

SSH
Current
Shelves
DU
740
.A2
W3
v. 1806

Wantok (Boroko, Papua New
Guinea)
SSH Current Shelves
UC San Diego
Received on: 04-01-09

WAN



Namba 1806
Wan Wik, Mas 19 - 25, 2009

Niuspepa Bilong Yumi Ol PNG Stret!

K1 tasol
long olgeta hap

**Painim bal
resis!
Winim K100**

Spot Pes 26

**Ol Sekret Hat
Bruder makim
namba 50 yia
long PNG**


Pes 11

**Glasing
Musik
wantaim JK**

Lukim Pes 22

**Catholic
Reporter
Mas 2009 insait**

**Kisim
Digicel na
Toktok Fri
tasol!**



BILAS: Dispela liklik plawa kokonas i kam yet long Manam. Liklik Grace Magun i go long ples long wanpela skul holide bilong em na i kisim kam long yia 2003. Papa bilong Grace, i planim dispela kokonas long dispela taim na insait long 5-pela krismas dispela liklik plawa kokonas i karim kaikai. Dispela em namba wan karim bilong em na ol i no kisim kaikai bilong em yet, long wanem ol Manam i save gat wok long dispela kokonas. I tambu long ol meri long kaikai o dring wara bilong em, na tu ol man i no save kaikai nating. Ol man save yusim long mekim wel bilong danis kondu. Poto i soim Conny Aba, wanpela famili bilong Grace i sanap long sait bilong dispela plawa kokonas long Mosbi. *Poto: Nicky Bernard*

Noken paul

Palamen makim ol meri
bilong kirapim tingting

Paul Zuvani i raitim

OL MANMERI noken paul.

Ol tripela meri gavman i makim long go insait long palamen i bilong kirapim tingting bilong ol manmeri long vot long ol meri i go insait long palamen long ol ileksen long taim bihain. Ol dispela tripela meri i no inap stap olsem ol memba bilong palamen oltaim.

Minista bilong Komyuniti Dvelopmen, Dem Carol Kidu, i tokim *Wantok Niuspepa* dispela long taim em i bekim toktok bilong ol arapela meri grup o lain husat i tok gavman i mekim paul


pasin long taim bilong makim tripela ol meri long go insait long palamen.

Dem Carol i tok sapos nupela gavman i kamap long 2012 o sapos Somare-Temu Gavman i senis long hap rot em i ken senisim dispela disisen na rausim ol meri.

"Ol meri i mas klia long dispela. Ol i noken kros pait nating," em i tok.

Aninit long Mama Lo long Seksen 101 na 102 na long ol Yunaited Nesens Human Rait lo ol meri i mas gat wankain luksave long stap na wok olsem ol man.

I go moa long Pes 2



**Baim wanpela
Digicel mobail
fon wantaim
SIM kad na
kisim 30 minit
Fri taim bilong
toktok.**

Ol Fri minit bai stap
long kol namel long ol
Digicel fon tasol.

Digicel

Guinea, Papua New Guinea



Promotim Seif na Strongpela Sosaiti bilong yumi olgeta!



Papua New Guinea



**Nupela
CURRY
CHICKEN!**

*Plantiti kakacruk pait
wantaim kandi!*



Ol kontrakta i wet yet long mani

Bustin Anzu i raitim

OL KONTRAKTA o kampani husat i wokim ol rot insait long biktaun Lae i no kisim mani bilong ol olsem na ol rot i no pinis yet. Dispela ol kampani i no kisim mani bilong ol long 4-pela mun olgeta.

Ol lain husat i bosim dispela ol projek em Morobe Provinse Gavman na Lae Siti Atoriti, tasol ol mani i kam na i go bek long Dipatmen bilong Fainens long Waigani.

Ekting Provinsele Administrata bilong Morobe, Patalius Gamato, i tok Sentrel Saplai na Tenda Bod i askim ol long larim Dipatmen bilong Woks long lukautim projek na mani bilong en.

"I no olsem ol i no inap long bosim tasol i nogat inap mani long peim ol kontrakta," Mista Gamato i tok.

Em i tok em i bin painim wanpela kampani, Gure Kule Konsalten long mekim plen bilong mekim ol rot na tu lukautim ol dispela 4-pela kontrakta long liklik mani olsem K.5 milion tasol Sentrel Saplai na Tenda Bod i givim dispela kontrak i go long narapela

kampani long 6 milion kina.

Las wik, Gavana bilong Morobe, Luther Wenge, i askim nesenel gavman long bung bilong ol long palamen long rausim dispela K25 milion bilong wokim ol rot insait long biktaun Lae.

Em i tok gavman i rausim pinis narapela K25 milion na dispela mani em i pinis nau na



WOK: Wanpela greta o mesin i stretim rot long Eriku raunabaut, klostu long Anderson Foodland long Eriku las wiken.

Poto: Bustin Anzu

ol i laikim narapela K25 milion long pinisim ol dispela rot. Nesenel gavman i givim K50 milion long wokim ol rot insait long Lae siti.

Minista bilong Fainens, Patrick Pruiatch, i tok ol i wet tasol long ol ripot bilong mani na bai ol i salim ol mani i go long mekim rot.

Ol meri i mas bihainim stretpela rot

Andrew Molen i raitim

I GAT planti toktok i kamap yet long tingting bilong gavman long bihainim narapela rot long kisim ol meri go insait long haus palamen.


Gavman i laik givim sans long ol meri long stap insait long palamen tasol rot we ol i bihainim long mekim dispela tasol i no amamasim planti manmeri na i lukim gavman i lusim namba wan vot long mekim dispela i kamap lo.

"Palamen em i ples bilong ol man na meri husat i winim sia bihainim long ol i resis long nesenel ileksen.

"Dispela rot gavman i mekim long ol meri givim nem tasol na go insait long palamen em i no stret na i no bihainim lo bilong kantri," Presiden bilong Milenium Gut Gavanens Oganaisesen, Peter Gerry i tok.

Em i tok gutpela piksa bilong ol meri husat i bihainim stretpela rot long go insait long palamen em kain memba olsem Dem Carol Kidu na ol arapela bipo.

Mista Gerry i tok dispela ol i wokim nau i no bihainim astingting bilong demokrasi (democracy) o pasin bilong ol manmeri



NOGAT SOTKAT: Mista Gerry i no amamas long pasin bilong gavman.

long makim ol lida bilong ol, we Papua Niugini (PNG) i save bihainim.

"Sapos gavman i laikim ol meri stap insait long palamen orait, ol i ken mekim dispela 4-pela sia na redim i stap wetim narapela ileksen long 2012.

"Ol meri ken resis long dispela ileksen olsem ol arapela manmeri long traim na winim dispela ol sia," Mista Gerry i tok.

Mista Gerry i givim tingting bilong em tu olsem dispela 4-pela sia i ken makim wanwan rijen bilong kantri na ol meri tasol i mas resis long en sapos gavman i laikim tru long putim ol meri go insait.

Tasol narapela tingting long dispela hevi tu we Mista Gerry i givim em olsem, sapos gavman

kamapim sia bilong ol meri orait em i mas mekim wankain long ol yangpela manmeri (yut) na ol sios.

"Mi ken tokim yu olsem ol yut i gat moa pawa long mekim senis na sapos ol meri i gat sia orait mekim wankain long ol yut na yumi lukim," Mista Gerry i tok.

Em i tok sapos olgeta manmeri bihainim dispela kain rot long go insait long palamen em bai kamapim planti hevi long kantri na pasin korapsen bai go bikpela moa.

"Tingim pasin tumbuna bilong yumi na noken mekim nating, ol meri mas soim rispek yet long ol man."

"Dispela em i no olsem ol meri nogat pawa tasol ol i gat wok bilong ol na ol man i gat wok bilong ol.

"Wankain i mas kamap long bikpela politikel level bilong kantri bilong yumi," Mista Gerry i tok.

Oposisen tu i no save gut long wanem as na gavman i mekim dispela na i bilip ol i gat sampela astingting bilong ol yet.

Gavman i gat tingting long kisim dispela lo i kam gen long palamen bilong ol memba long vot long en gen long wanem namba wan taim ol vot ol i nogat inap namba.

Nogat kalabus, em wok bilong polis, Aimo

MINISTA bilong ol Koreksenal Sevis, o wok bosim ol haus kalabus, Tony Aimo, i tok olsem sapos kot i salim wanpela man o meri i go kalabus long ples we i nogat haus kalabus i stap, em i wok bilong polis long holim em na salim em i go long narapela hap i gat kalabus long en. Mista Aimo i tok klia

long dispela taim em i bekim wanpela niuspapa ripot we i tok olsem Koreksenal Sevis i no wok givim kaikai long ol kalabus long Daru. "Dispela ripot we i tok ol kalabus i wok stap long Daru em i no stret. Sampela ol tok-tok long dispela ripot, ol i no kisim gut klia long en. I nogat haus

kalabus long Daru, bihain long ol i pasim long 2005," Mista Aimo i tok. Olsem na aninit long lo, em i wok bilong Dipatmen bilong Intenel Sekyuriti long kisim ol dispela kalabus i go long wanem haus kalabus i stap klostu. Mista Aimo i tok klia olsem dipatmen bilong

em bai lukautim ol man i wetim kot. Taim Daru haus kalabus i bin pas long 2005, 42 kalabus man em ol i kisim ol i go long Bomana haus kalabus long Mosbi. Olgeta wokmanmeri na famili bilong ol i stap yet long Daru, long wanem i nogat inap mani long kisim ol i go aut.



INDUSTRIAL BOOTS

NEW STOCK AVAILABLE NOW

BRUT - SLIP ON BROWN KIP LEATHER



NUBUCK - 6" LACE UP SUEDE LEATHER



EXPLORER - 8" LACE UP BROWN KIP LEATHER



BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort

- Wide Steel Toe Caps
- Full Length Tongue

- Meets AS/NZ 2210.3 Standards
- Oil & Heat Resistant Sole
- Padded Collars

BISHOP BROTHERS ENGINEERING LTD

everything for industry...

PORT MORESBY

LAE

MT HAGEN

KIMBEY

RABAU

MADANG

WANIMO

Lusim stesin i stap

Bustin Anzu i raitim

OL PAPAGRAUN long Boana long Nawaec distrik i no laikim gavman i surikim distrik hetkota i go long Situm.

Ol i tok ol manmeri long Boana i no wanbel long dispela tingting bilong surikim hetkota.

Ol manmeri bilong ol ples Diride, Sokam, Wasin, Silieng, Gewak, Popof, Banzain,

Wanbagan na Karao, i bin go long Nawaec Distrik Hetkota na givim pepa long Ekting Administreta bilong Morobe, Patalius Gamato, we i tokaut long bel hevi bilong ol.

Ol lida bilong ol, Gegong Garret na Patrick Sainong, i givim dispela pepa long Mista Gamato na i tok gavman i mas mekim sampela senis long baundri o boda. Ol i tok

gavman i mas bihainim dispela baundri we Evangalikel Luteran Sios (ELC), Boana Distrik Sios na ol lain bilong Nawaec long i mas go wantaim Lae Open.

Long dispela pepa ol manmeri i tok tu ol i laikim nupela distrik administreta.

Mista Gamato i tok em bai givim dispela pepa long gavana bilong provins long

lukim. Tasol dispela ol senis bai i no inap kamap hariap long wanem, em bai go long kain kain opis pastaim long mekim em kamap tru.

Em i tok tingting bilong ol long senisim baundri, em ol i mas putim i go long Baundri Rivyu Komisn (Boundary Review Commission) na ol i raitim ripot na pusim i go long palamen.

Balob i no stret yet

Bustin Anzu i raitim

NESENEL kot long Lae i skruim kot bilong 300 sumatin husat i kisim Balob Tisa Kolis i go long kot i go long neks mun.

Dispela i mekim ol sumatin i belhat na kam ausait long kot haus na painim ol ston na brukim glas bilong kar

bilong skul. Prinsipel bilong Balob na sampela sumatin i bin stap insait long bas.

Ol dispela sumatin husat i stap insait long bas i go bek long bikskul na paitem wanpela sumatin husat, ol i tok, i bin stap wantaim ol dispela lain long kot haus na brukim glas bilong kar.

Ol sekyuriti bilong bikskul i laik helpim na stopim pait tasol ol tu i kisim bagarap.

Polis i go insait long skul na holim pasim dispela sumatin husat i as bilong trabel.

Ol dispela sumatin husat i kisim skul i go long kot, wantaim loya bilong ol bai mekim sabmisin i go long kot,

olsem skul i mas tok orait long ol i ken go bek long skul long neks yia.

Ol dispela sumatin husat i kamapim hevi we ol i brukim glas bilong kar bilong skul i tok ol i belhat long wanem, kot bilong ol i wok long surik i go long narapela de olgeta taim na ol i les pinis.

Ol Nu Silan Developmen Skolasip i op yet

Paul Zuvani i raitim

GAVMAN bilong Nu Silan (New Zealand) aninit long Nu Silan Aid i givim ol skolasip long ol manmeri long lainim ol samting i pas wantaim rurel ikonmik developmen.

Dispela em long ol wok bilong Agrikalsa, forestri (diwai) na laipstok (ol animol).

De bilong kisim na salim aplike-sen bai pas long 31 Mas, 2009.

Insait long dispela ol skolasip i gat ol skul bilong helt bilong animol na diwai, pasin bilong analitikol na rises skil, komyuniti bes ikonmik developmen, ol ekstensen sevis, klinpela pasin bilong lukautim na kukim kaikai, indastri na komesel developmen, daunstrim prosesing na spinop bisnis, indastri developmen, menesmen, supavisin, komyunike-sen, polisi developmen na statim na developim ol liklik bisnis na mekim maket.

Long edukesen seksen bai i gat ol skul olsem edukesen administresen, edukesen plening, karikulum developmen na monitaing.

Moa long dispela i gat skul bilong kamapim edukesen rifom, strongim wok bilong tisa trening na evaluesen na menesmen na lidasip.

Long toktok bilong Praimeri Helt

bai i gat ol skul bilong envairon-mental helt, helt plening, mama gat bel, karim na lukautim pikinini, nes, nutrisen na praimer i helt kea.

Long ol toktok bilong strongim sivil sosaiti i gat ol skul bilong ikonmik na sosel developmen, gut gavanens, humen risos developmen bilong sivil sosaiti, plening na menesim sivil sosaiti grup na kamapim polisi.

Nu Silan Hai Komisn i tok astingting bilong gavman i kamapim kain ol skul na givim ol skolasip em bilong lainim wanwan ol manmeri long ol i go bek na developim kantri bilong ol.

I gat bikpela laik na askim long ol meri long ol i mas salim aplikesen bilong ol long kisim dispela ol skolasip.

Ol aplikesen pepa i stap wantaim Dipatmen bilong Pesenel Menesmen na GRM, Intanesenel.

Ol i ken soim laik bilong ol tu long Nesenel Trening Institut Kaunsil na GRM Intanesenel.

Long kisim moa save long dispela skolasip na ol skul manmeri i ken rait long Nu Silan Aid Projek Kodineta, GRM Intanesenel Pty. Ltd, P.O. Box 1177, Pot Mosbi, N.C.D o ringim telepon namba 325 0188 o long feks namba 325 1989 o long emel adres: info.png@gmintanesenel.com.

Lae polis asosiesen i tok ol i bai sapat yet

Bustin Anzu i raitim

OL MEMBA bilong polis asosiesen long Lae, Morobe provins, i tok ol bai sapatim wok bilong presiden wantaim eksekutiv bilong em long holim opis, na ol i no stap insait long ol stori we i tok ol i paulim ol mani bilong asosiesen.

Ol i tok nau yet, samting i stap long han bilong Industri Rejistra olsem na larim ol i mekim wok painimaut long dispela.

"Wanem ol stori kamap long pepa em larim i stap olsem na mipela bai sapatim presiden wantaim ol eksekutiv bilong em long mekim wok bilong ol," pastaim supaintenden operesen na wanpela memba bilong

asosiesen, Augustine Wampe i tok.

Em i tok long pastaim, asosiesen i no ron stret na planti samting i bagarap tasol taim Robert Ali i kamap presiden, em wantaim eksekutiv bilong em i mekim gutpela wok.

Mista Ali wantaim jenerel sekreteri bilong asosiesen, Clemence Kanau, tupela i bin stap long Lae long wiken long toksave long ol samting asosiesen i mekim na tu ol stori long mani i paul we kamap long niuspepa.

Sampela memba long bung tu i askim sapos ol dispela stori i tru.

Tupela eksekutiv i tok dispela em ol stori tasol na ol yet inap long stretim long level bilong ol yet, tasol nau yet ol i

ripot pinis olsem na larim ol i mekim wok painimaut.

Mista Ali i tok ol i save long husat ol lain i kamapim ol dispela tok giaman na ol i laik long bagarapim nem bilong em tasol em i no inap surik o pret long mekim wok em.

Em i mekim ol dispela toktok long bekim bilong ol ripot long niuspepa olsem ol eksekutiv bilong polis asosiesen i wok long paulim mani bilong ol memba.

Samting olsem 100 memba bilong polis asosiesen i sainim ol pepa na putim toksave (petition) i go long Industri Rejistra, Helen Saleu, long mekim wok painimaut sapos dispela ol stori long paulim mani i tru.

Bogenvil Sista kisim luksave

WANPELA Katolik Si bilong Bogenvil i kisim namba long winim Intanesenel Strongpela Meri (International Women of Courage Award) awot 2009.

Sista Lorraine Garasu bilong ol Nazaret Sista Katolik kongrikesen long Bogenvil em dispela meri i winim bikpela awot we Sekreteri

bilong Stet bilong Amerika (United States of America) i save givim aut i go long ol meri i mekim gutpela wok.

Sista Lorraine i kisim luksave long wok em i mekim long helpim ol meri na pikinini pastaim long Bogenvil hevi, taim hevi i stap na taim hevi i pinis. **Lukim stori bilong em long Pes bilong ol Meri neks wik.**



PNG Law & Justice Sector Secretariat
"Promotim Seif na Strongpela Sosaiti
bilong yumi olgeta"



Lo na Jastis Sekta Sekretariat (LJSS) i lusim pinis Datec Building opis na mov i go long Iektorel Komisn (pastaim Papuan Yacht Club).

Dispela mov i go long downtown embilong sotpela taim tasol.

Ol telepon kontek stat long Mande (02/03/09) i gat tupela B Mobile na tupela Digicel namba:

637 2477

637 2478

7113 2520

7113 2521

Mipela bai yusim dispela ol mobail namba long sotpela taim. Mipela bai toksave gen taim ol stretim na putim len lain long opis.

Tenk yu.

Mr. Joe R. Kanekane
Daireka

Lukautim yupela yet long taim nogut

Eric Sinebare i raitim

OL MANMERI i mas save gut na klia long laip na sindaun na wok about bilong ol long ples long dispela taim we wol i bung kain kain birua.

Em tok stia i kam long non gavman oganais-esen (NGO) long Simbu, Sangamanga Kalsa na

Envairomen Proteksen (SCEP).

Infomesen opisa bilong SCEP, Philip Kaupa, graun i bruk, bikpela win i kirap, solwara i solap, na haiwara, i bagarapim planti hap bilong wol.

Mista Kaupa i tok olsem ol manmeri i mas luksave gut olsem birua i save kamap long laik bi-long em yet, na ol i mas

redi long ol dispela birua. "Skelim gut wanem samting i stap we i ken kamapim birua long yu-pela.

"Sapos yu i gat haus klostu long as bilong maunten, surikim i go long narapela hap.

"Nogut graun bruk na bagarapim yu.

"Sapos yu i gat haus klostu long as bilong

bikpela diwai, surikim i go long narapela hap. "Nogut diwai pundaun na bagarapim yu.

"Sapos yu i gat haus we i stap klostu tumas long wara, surikim i go long narapela hap.

"Nogut haiwara i bagarapim yu," Mista Kaupa i tok.

Em i tok ol manmeri i mas lukautim gut ol samt-

ing bilong ol olsem mani, na ol arapela samting we inap long helpim ol long taim birua i kamap.

"Planti taim gavman i no inap helpim yu hariap long taim bilong birua.

"Olsem na yu i mas i gat ol samting long helpim yu yet," Mista Kaupa i tok.

Sampela tok lukaut, Mista Kaupa i givim em olsem:

● Long taim bilong ren, yu i mas go bek hariap long haus o ples;

● Stap longwe long diwai na maunten;

● Noken larim ol pikini-ni i raun long laik bilong ol yet;

● Lukautim sampela kaikai long haus i mas stap inap long lukautim yupela olgeta;

● Redi long kisim gut-

pela tingting na toksave long ol arapela lain long lukautim yupela yet;

● Taim birua i kamap, yu i mas kwiktaim toksave long kisim helpim long ol haus sik, polis, na ol arapela gavman opis i stap klostu long yu.

Planti birua olsem dispela Mista Kaupa i toktok long en i kamap long plan-ti hap bilong wol.

CRC laik daunim pasin bilong stilim manmeri

Paul Zuvani i raitim

KONSTITUSENEL Rifom Komiti (CRC), komiti we i save lukluk na stretim gut lo bilong kantri bai holim wanpela kibung long kamapim ol rot bilong pasim pasin bilong stilim ol manmeri.

Dispela kibung bai kamap long Mosbi long tumora.

Pasin bilong stilim ol manmeri na salim ol i go long narapela hap na mekim mani i save kamap planti long ol narapela hap bilong wol.

Long Papua Niugini (PNG) ol ripot i kamap pinis olsem pasin bilong stilim ol manmeri i wok long kamap isi isi. Ol ripot i tok pasin bilong salim ol manmeri i go long narapela hap na mekim mani i no kamap yet, tasol i gat bilip dispela pasin bai kamap klostu.

Kamap bilong CRC kibung em bilong

painim hariap ol rot bilong pasim dispela pasin nogut.

Ol manmeri bilong givim toktok long dispela kibung bai kam long Australia, Indonesia, Saina (China), Nu Silan (New Zealand), Yuropien Yunion (European Union) na Amerika (United States of America) we ol bai tokaut long save na hevi ol i wok long bungim long dispela pasin nogut.

CRC i tok tingting we dispela ol lain na sampela arapela lain long PNG o long narapela hap bai givim bai helpim gut em long kamapim ol rot bilong daunim dispela pasin nogut.

Wantaim dispela i gat toksave olsem Embasi bilong Amerika long PNG, bai holim wanpela bung long olgeta grup i pas long wok bilong jastis long ol i kamapim wanpela lo we bai helpim ron bilong CRC.

Prea de meri lida i no amamas long PM

Eric Sinebare i raitim

"LONG wanem na Praisin Minista Gren Sif Se Michael Somare i no mekim Wol Prea De wanpela holide bilong Papua Niugini (PNG)? PNG em Kristen kantri o nogat?"

Siameri bilong Ekumenikol Komiti bilong Wol Prea De, Agnes Gabee, i mekim dispela strongpela toktok long pinis bilong Wol Prea De long Kundiawa, Simbu provins.

Long Wol Prea De, wol we i save prea long wanwan kantri. Long dis-

pela yia, ol Kristen long wol i tingim na pre long PNG.

"Mi i no amamas long olsem Se Michael i no mekim Wol Prea De wanpela holide bai olgeta Kristen i ken malolo na luksave tru long dispela de," Misis Gabee i tok.


Em i tok tu olsem em i no wanbel olsem nesanel palamen i holim ol kibung bilong en long dispela taim tu na i no tingim dispela de.

"Dispela belpen i stap wantaim olgeta Kristen husat i kamap long dispela bung.

"Tasol mipela i save God bai mekim olgeta samting long we bi-long em long stretim man na gavman long sindaun bilong dispela kantri," Misis Gabee i tok.

Gavana bilong Simbu, Pater John Garia, i bin mekim Wol Prea De long simbu wanpela holide bi-long olgeta manmeri.

Moa long 20 tausen Kristen manmeri long Mas 6, i bin pulim lain na wokabout long Kundiawa taun long luksave long dispela de.



TAMBU...LUKAUT: David Lemo em wanpela bilong ol Lita inspeka (Litter Inspector) bilong Nesanel Kapitel Distrik (NCD) husat ol i save raun na rausim ol manmeri long salim buai long ol pablik hap olsem fran bilong ol stua, opis, na long ol bas stop. Foto: Andrew Molen

Ol manmeri long Chuave opim nupela komyuniti senta bilong lainim

Eric Sinebare i raitim

PLANTI manmeri i mas skul long mekim na kirapim kain kain samting long strongim sindaun na helpim ol yet. Ol i no inap long lukluk long han bilong ol memba bilong palamen (MP) o ol long ol arapela savelain tasol long givim ol mani o ol arapela samting.

Wanpela komyuniti lida na meri i go pas long kamapim wanpela program we i strong dispela tingting, Leah Poka, i tok dispela long taim ol i opim nupela Komyuniti Senta bilong Lainim na Dvelopmen (CLDC) long Chuave.

Ol CLDC i wanpela nupela tingting na program we Dipatmen bilong Komyuniti Dvelopmen i kamapim long kantri.

"Mipela lukim dispela program em wanpela gutpela progrm, we em i mas stap insait long wanwan wod kaunsil long olgeta hap bilong kantri.

"Dispela program inap long givim gutpela skul long mak we ol manmeri long

ples i klia na lainim.

"Taim ol i lainim, orait, ol i ken mekim kain kain wok long helpim ol yet," Misis Poka i tok.

Em i tok dispela kain senta em i namba wan kain samting olsem long Chuave distrik.

Em i tok tu olsem ol manmeri bilong Kaubasisi nau i gat gutpela sans long lainim.

"Ol manmeri - olsem ol meri o mama - i ken stap long dispela senta na lainim long kuk, somap, lukautim bodi gut na ol narapela samting olsem," Misis Poka i tok.

Kodineta bilong dispela CLDC, Nancy Kai, i tok dispela program em Simbu i kamap namba wan projek we Komyuniti Dvelopmen Dipatmen i kamapim, na dispela i stat pinis long Sinasina distrik we Janet Ilai i go pas long en.

Em i tok Chuave nau i stat long namba tu projek long bringim dispela gutpela wok i go long olgeta hap, moa yet ol ples.

NRI i gat bikpela wok long wok developmen

Veronica Hatutasi i raitim

WOK rises long kantri nau bai kamap strong moa wantaim ol nupela opis na masin.

Dispela i kamap wantaim K7 milion helpim mani i kam long Australia Papua Niugini (PNG) Insentiv Fan.

Las wik Fonde, Minista

bilang Haia Edukesen, Teknoloji, Saiens na Rises, Michael Ogio, na Hai Komisina bilong Australia, Chris Moraitis, i bin opim ol nupela opis na rot i go insait long Nesenel Rises Institut (NRI) long Mosbi.

Dispela em i namba wan taim ol i mekim wok long bildim ol nupela haus, stretim

ol opis na rot long NRI bihain long ol i bin kirapim dispela institut long 1968. Em i moa long 40 krismas i go pinis.

"Mipela i luksave olsem NRI em i namba wan "Think tank" (o i save kamapim ol bikpela wok na tingting bilong stiaim gavman long lukautim kantri long ol wok developmen, gutpela gavman na mekim ol disisen) bilong PNG. Na em i mekim bikpela wok long toksave long gavman na ol manmeri long ol bikpela samting olsem sik AIDS, envairomen o busgraun na wara," Mista Moraitis i tok.

Dispela selebresen i no makim tasol opim bilong ol nupela opis, nogat. Em i kamapim ples we ol wok bilong institut na ol rises lain long sindaun gut na strongim wok bilong ol," em i tok.

Dairekta bilong NRI, Dokta Thomas Webster, i tok wok bilong ol em long sapotim ol wok developmen we gavman i laik kamapim olsem i stap

insait long Midium Tem Developmen Strateji. Na ol dispela nupela opis bai helpim ol long sindaun na mekim gut wok.

Mista Ogio i tok PNG i wok long bungim planti hevi long wanem ol wok developmen i wok kamap hariap tumas.

Em i tok ol polisi na progrem we ol i kamapim bihainim gutpela wok rises o glasim bai helpim long stretim ol dispela hevi.

Olsem na em i tok PNG i laikim gutpela rises infomesen long klia gut long ol kain hevi na as bilong ol dispela hevi.

Em i tok kantri i laikim moa rises wok we ol kain institusen olsem NRI na Yunivesiti bilong PNG i wokim i stap.

Ol nupela opis ol bin wokim na tu, stretim wantaim K7 milion em long rises laibreri na infomesen komyunikesen teknoloji senta, tupela stori opis bilding, semina na komprens rum wantaim buksop na ples kaikai na hap bilong prinim ol rises buk samting.

Ol tisa i no wok i mas lukim TSC na stretim ol pepa

ASKIM i go long ol tisa husat i no moa wok, long go lukim o rait i go long Tising Sevis Komisn (TSC) long stretim ol pepa bilong ol.

Siaman bilong Tising Sevis Komisn (TSC), Michael Pearson i tok dispela em ol tisa husat i pinis long Tising Sevis tasol ol i no stretim ol pinis pepa bilong ol yet.

Samting olsem 5,000 tisa i bin pinis long wok long Tising Sevis sampela yia i go pinis, tasol nem bilong ol i stap yet long lista olsem ol i mekim wok yet.

Mista Pearson i tok ol tisa i mas stretim gut ol samting bikos dispela bai helpim ol i kisim ol pinis pe na supanuesen bilong ol. O ol i ken surikim ol supanuesen bilong ol i go long fan we nupela kampani ol i wok long em i save putim kontribusen bilong ol i go long en.

Mista Pearson i tok ol i rausim samting olsem 6,600 tisa long kantri long Mas 12 peirol na ol bai i no inap long kisim pe stat yet long neks wik potnait, Mas 27.

Dispela em ol tisa husat i no wok tisa moa.

Mista Pearson i tok long dispela mak, 1,075 em ol dispela i risain o ritaia long 2008 na stat bilong 2009. Moa long 200 em ol i stap long malolo long dispela yia, 56 i dai long las yia na long stat bilong dispela yia na 56 em ol i pinisim ol. Sampela moa em ol dispela i nogat ples long wok long em o ol i les long ol skul ol i salim ol i go long en na laspela grup em ol dispela i no putim toksave na ol i stap long malolo.

Planti tisa insait long kantri i stap pinis long wok na nem bilong ol i stap long peirol sistem bilong Dipatmen bilong Edukesen, tasol nem bilong samting olsem 2,000 tisa bilong ol skul long ples i stap pinis long peirol.



NUPELA: Sampela ol lain i bin stap long opim bilong ol nupela opis long NRI long Mosbi. Foto: Veronica Hatutasi

Salim ol tisa i stat wok pepa kam kwik

EDUKESEN Sekreteri Dokta Joseph Pagelio na Tising Sevis Komisina (TSC) Michael Pearson i askim strong ol provinsel edukesen divisen long kantri i hariapim ol wok long ol fom bilong ol tisa i statim wok pinis na salim i go long Waigani. Dispela bai helpim long putim hariap ol tisa i go long peirol sistem bilong ol.

Elevenpela provins i salim pinis ol fom bilong ol tisa i stat skul i go long Waigani. Em long Nesenel Kapitel Distrik, Galp, Sentrel, Isten Hailans, Simbu, Westen Hailans, Wes Nu Briten, Nu Ailan, Kiunga/ Leik Mari, Manus na Bogenvil. Eitpela provins we ol provinsel edukesen opis i no salim yet ol fom bilong ol tisa i stat wok em Oro, Milen Be, Sauten Hailans, Wes Sepik, Is Sepik, Madang na Enga.

Mista Pearson i salim pas i go pinis long autim bel hevi bilong em i go long ol provinsel edukesen advaisa.

PEIM SKUL FI



PINIS: Mesa Robert Ambu(lephan) bilong Papua Niugini Difens Fos (PNGDF) i givim wangepela sekmani long Vais Sansela bilong Yunivesiti bilong PNG, Profesa Robert Hynes, long peim skul fi bilong sampela fos memba husat i wok long skul long yunivesiti.



An Australian Government Initiative



Australian Scholarships

THE PATHWAY TO EXCELLENCE

Australian Leadership Awards – Scholarships

- Develop your professional and leadership skills
- benefit from study, research and professional development opportunities
- build links with people, with universities, with other countries
- use your skills to support growth and development in our region
- apply for a prestigious Australian Leadership Award (ALA) Scholarship

Applications open 1 March 2009 for postgraduate scholarship positions at an Australian university in 2010, under the Australian Leadership Award (ALA) Scholarship program.

These prestigious Australian scholarships are targeted to high achievers to undertake study in Australia at masters or doctoral level. Scholars also participate in a unique Leadership Development Program.

ALA Scholarships are tailored for people with potential to assume leadership roles and influence social and economic policy reform and development outcomes at home and in the region.

Entry is competitive and open to citizens of Asia-Pacific countries where Australia has an active aid program.

ALA Scholarships are managed through Australia's aid agency, AusAID and facilitated in the country by the PNG-Australia Targeted Training Facility (PATIAF).

Applications are open to all fields of study, however scholars in international trade, pandemics, security and climate change (including clean energy) are especially encouraged to apply.

All applicants must obtain proof of English language proficiency from within the last 2 years (IELTS or TOEFL) and an Unconditional letter of offer from a participating Australian University. Applicants should have a record of high level undergraduate or postgraduate academic achievement.

Applications must be submitted by 30 June 2009.

For more information, contact:

The ALA Coordinator
PNG-Australia Targeted Training Facility (PATIAF)
Telephone: (675) 321 1366
Email: patiaf@rottaf.com.au
Website: www.australianleaderships.gov.au

For more information and to apply for award, go to www.australianleaderships.gov.au

Namba Wan PMV long PNG

Planti PMV opereta i laikim tru ol Toyota kar long wanem :



Loun Paiment istat long
K600.*
WAN WIK

Flat Haus Kapa
HIACE BAS
15 SITA
Trupela 3.0L
Disel Ensin

- Ol i gutpela ol kar bilong ron olsem PMV.
- Ol i gutpela na strongpela bilong ron long ol rot bilong PNG.
- Moni bilong stretim kar long ron bilong em i no antap tumas.
- Em i save mekim gutpela winmoni bilong bisnis.
- Sapos yu laik salim gen, bai yu kisim gutpela profit long en.



Loun Paiment istat long
K1,180.*
WAN WIK

COASTER
25 SITA
Pawa 3.7L
Disel Ensin

* Tok orait bilong peim kar long wan wan wik bai mas bihainim moni lo bilong fainens. Peim long wan wan wik (em i bihainim 50% diposit na yu ken pulim i go inap 18 mun) Em i op long ol kas toma i kisim tok orait bilong fainens o wok moni

Ela Motors
 TOYOTA

Your First Choice

Rinim ol Namba Wan Tim bilong Yu Nau

Port Moresby.. Ph 3229400	Goroka..... Ph 7321844	Wewak.... Ph 8562255
Lae Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil.... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100

Condisins bilong tok orait istap : www.elamotors.com.pg Bai pinis : 31.03.2009.



Gavman i mas strongim helt

Masin long PIH helpim planti laip

GAVMAN nau i gat bikpela wok long glasim na mekim ol wok long strongim helt sistem long kantri.

Deputi Sekreteri bilong Helt, Mark Mauludu, i mekim dispela tok long West-en Hailans provins long greduesen bilong ol nes long Kudjip Nazarin Nesing Kolis tupela wik i go pinis.

Mista Mauludu i tok helt sistem long dispela taim i no olsem bipo na gavman i gat bikpela wok long stretim.

Em i tok senis i mas kamap long rot we gavman i givim helt servis long kantri long wanem em i no wok gut.

Mista Mauludu i tok Dipatmen bilong helt i kamapim program long bungim helt i go pinis we ol provinsel helt i givim helt servis long kantri long ol nes.

Mipela i wok wantaim Opis bilong Ha-ia Edukesen long lukim olsem ol nesing kolis long kantri i mas kam aninit long ol yunivesiti long ol sumatin nes i skruim trening na save bilong ol i go moa yet, Mista Mauludu i tok.

Em i tok ol narapela hevi gavman na Helt Dipatmen i mas lukluk long en em nogat haus bilong ol wokmanmeri bilong Helt Dipatmen long slip long en.

Mak olsem 22 long 24 nes i greduet i kisim wok pinis na tupela tasol em prinsipel bilong kolis, White Kinjak, i tok ol i helpim long painim wok.

Mista Kinjak i tok amamas long Nazarin Sios long servis em i givim long skulim ol yangpela manmeri long kamap ol nes.



Pipia ripot long Madang taun maket

PLANTI manmeri long Madang taun i ken kisim sik sapos ol taun atoriti i no rausim ol pipia i pulap kapsait long Madang taun maket.

Long sampela wik nau,

Madang Taun Atoriti (MTA) na ol trak i save rausim ol pipia i no raun mekim wok bilong ol.

Wanpela ripot Wantok Niuspepa i kisim long Madang i tok ol manmeri

long Madang taun i askim MTA, helt inspekta na Madang Provinsel Gavman long wok nau long rausim dispela ol pipia o pasim maket inap dispela wok i kamap.

PLANTI manmeri i gat sik long kidni long Mosbi i wok long kisim helpim long stap laip long dailisis (dialysis) yunit long Pasifik Intanesenel Haus Sik (PIH).

Dispela yunit i gat tupela dailisis masin nau we i helpim long klinim aut ol blut na pipia long nogut bodi taim kidni bilong man o meri i no wok.

Dokta Mathias Sapuri em Presiden bilong PNG Medikel Sosaiti na Speselis Dokta bilong ol Meri long PIH, i tok haus sik i bin kisim dispela tupela masin long 2005 na i kam inap nau, ol i helpim planti laip.

Em i tok Pot Mosbi Jenerel Haus Sik i nogat kain masin olsem na em i save salim ol sik manmeri husat i gat sik long kidni na ol i no inap long

stretim ol i go long PIH we dailisis masin i save helpim ol.

Ol lain i gat sik long kidni, ol lain i gat sik suga na ol kain sik moa olsem i wok long kisim helpim long dispela masin, Dokta Sapuri i tok.

Long poto Dokta Y. Venkanna em man i gat save long operetim dailisis masin i soim wanpela bilong ol masin.

FREE TALKTIME

LOCAL CALLS

Talk as long as you like, even for 24 hours or whole day on Landline for only 30t!!


THE CHEAPEST CALLS IN PNG!



TELIKOM PNG LIMITED
Always there!

TELIKOM PNG CUSTOMER ASSISTANCE NUMBERS

NATIONAL DIRECTORY ASSISTANCE	013	INTERNATIONAL OPERATOR ASSISTANCE	016
TELEPHONE FAULTS	014	PNG REVERSE CHARGE CALLS	011
DATA FAULTS	0175	INTERNATIONAL DIRECTORY ASST	0178
TELIKAD, RAIT PREPAID ASSISTANCE	323 4444	TELIKOM GENERAL ENQUIRY	300 5000



The Catholic Reporter

MARCH, 2009

Issue 63

Nupela bisop bilong Simbu



Bisop Henk husat i pinis wok nau i givim diwai bilong bisop i go long nupela bisop Anton Bal.

BISOP Anton Bal i kamap olsem namba wan bisop bilong Simbu Daiosis na namba tri bisop bilong Kundiawa.

12-pela bisop, 70 pater na rilijes na samting olsem 4000 manmeri na pikinini i bin stap insait long seremoni we i lukim nupela bisop i kisim blesing.

Seremoni i bin kamap long ausait long Katitrel peris long Kundiawa.

Namel long ol bisop i bin stap long dispela seremoni em Apostolik Nunsio Asbisop Francisco Padilla, Bisop Henk te Maarssen pastaim bisop bilong Kundiawa husat i pinis long

holim wok, Asbisop Douglas Young bilong Hagen na Asbisop John Ribat bilong Pot Mosbi Asdaiosis.

Bihain long givim tok skul bilong em, Nunsio i bin ritim pas bilong Pop Benedict 16 long makim bilong Bisop Bal olsem nupela bisop bilong Kundiawa. Bihain long em, Bisop Henk i bin givim diwai bilong bisop i go long nupela bisop.

Ol bin soim long ples klia na tok klia long ol klos na ol narapela samting we bisop bai yusim long stiaim em long wok bilong em bipo em i sindaun long sia bilong bisop.

Taim Nunsio i tok ol pipel bilong Kundiawa Daiosis i mas amamas nau long nupela bisop bilong ol, em i askim ol long givim gutpela sapot long wok bilong em.

Asbisop Young i bin tok Katolik Sios long Hailans bai selebretim 75 yia bilong em long dispela yia na ol namba wan misinari husat i bin kisim Gutnius i go long hap i wok long lukluk i kam daun long ol.

Bisop Henk i bin tok tenkyu i go long ol pipel long gutpela sapot ol bin givim em taim em i bisop bilong ol long planti yia. Na em i askim ol tu long skruim

sapot bilong ol i go long nupela bisop.

Bisop Bal i bin tok tenkyu long ol misinari, ol katekis na ol lei lida husat i mekim wok long daiosis long planti yia.

"Mi makim tok stia bilong mi na dispela em, 'Mi wantaim yu i sios i stap laip long Krai'.

"Olsem na bai yumi wokabout wantaim long wokim strong sios long Simbu," Bisop Bal i bin tok.

Seremoni i bin kisim 4-pela awa na bihain long em, olgeta manmeri i bin kisim kaikai pastaim long ol i go bek long ol ples bilong ol.

New National Catholic AIDS Office opened and blessed

THREATENING rain did not dampen the enthusiasm of the Manus dancers and drummers who heralded the arrival of the Governor General for the opening and blessing of the new National Catholic AIDS office in Boroko in the NCD.

The opening of the new building came about through the hard work and determination of Sr Tarcisia Hunhoff, the Director of the National Catholic HIV/AIDS office. Her determination was generously supported through AusAID, Caritas Australia and the Holy Spirit Sisters.

The Centre was built for not only for administrative purposes but also as a voluntary testing and counselling centre for the city.

After the official opening by the Governor General the K1.8 million facilities were blessed by Bishop Steve Reichert OFM cap the Bishop Deputy for HIV/AIDS.

In his speech after the blessing Bishop Reichert said:

No one knows exactly how and when the HIV virus entered Papua New Guinea, but the first confirmed cases of AIDS were discovered here in 1987. Shortly thereafter, the infection was discovered in various locations around the country, particularly in the larger urban area and in the Highlands provinces. The epidemic was already raging in other parts of the world. But we at first closed our eyes and clung to the belief that "this cannot happen to us".

However, soon enough, some people began to sound the alarm. Among these were Catholic religious sisters such as Sr Rose Bernard, a Notre Dame sister from the United States, a teacher by profession, who befriended a man living with AIDS. She walked with this man and his family until his death a couple years later. Other re-

ligious sisters, nurses like Sr Tarcisia Hunhoff SSPS, who was then working at Mingende, and Sr Gaudentia Meier, a Swiss missionary running a community health training centre in the Mendi Diocese, also recognised the danger that lay ahead. The Catholic Church took the lead early in the fight against HIV/AIDS and today is still in the forefront of HIV/AIDS awareness and testing, as well as in providing support for people living with HIV/AIDS and in treatment and counselling services. Now we have gathered to open this new facility, which is the headquarters of the national Catholic HIV/AIDS Office. This building, constructed with financial help from Ausaid, Caritas Australia and the SSPS Congregation replaces a small office at CBC House.

More on page 3



The new Catholic HIV AIDS office in Port Moresby that was opened recently. The Governor General officially opened the new building. Witnessing the occasion is the Apostolic Nuncio Archbishop Francesco Padilla and the Director Sister Tarcisia Hunhoff.

BEEF


CRACKER

Proud to be associated with The Catholic Reporter

TOKSAVE

Sapos yu gat sampela stori o nius yu laik putim long dispela pepa ringim o salim feks i go long Fr Geoff long telipon 479 5007
o email: socom@global.net.pg
o go lukim em.

St Paul's zeal a guide for priestly vocation



Fr Anthony Denton, Kairos Catholic Journal
 Nearly halfway through the Year of St Paul, it is worthwhile reflecting on the relationship between Paul's missionary spirit and what goes to the heart of a priestly vocation. Pope Benedict refers to Paul as the world's greatest missionary; the missionary par excellence. Paul's call, or vocation, came in a dramatic fashion. We have heard the account in Acts many times. Most people I talk to who are toying with the idea of a priestly vocation wish that God would intervene in their lives in similar fashion! Paul wasn't expecting the Lord Jesus to intervene as He did; but what is significant is that Paul responded. In fact, he poured the same energy into spreading the Gospel as he had previously employed in trying to eradicate it. Even when the call seems weak, if we respond with openness and enthusiasm, the Lord will show us the way.
 Our response to be evangelisers needs to be as decisive as Paul's. The Church is universal and missionary by nature. The Christian is by baptism called to be a missionary. The priestly vocation takes this core value and multiplies it to the Nth degree. Some are called to evangelise in the local Church: for us, the Archdiocese of Melbourne. Others are called further afield. Think of the plea for help from St Francis Xavier who, seeing the hunger for the Faith of the Indians, wanted to scour the universities of Europe looking for missionaries. An aspirant to the priesthood should share this zeal for the faith and its purity. We live in times of great moral mediocrity. Fortunately, there are still people, and young men in particular, who both recognise truth and strive to embody it.

Asembli bilong ol Katolik man na meri i makim stat bilong yia bilong ol leiti

George Huaieware i raitim

WANPELA bikpela bung tru bilong ol Katolik lei man na meri bilong Papua Niugini na Solomon Ailans i bin kamap long Kefamo konprens senta long Goroka, Isten Hailands provins.

Insait long dispela bung, 42 man na meri husat i makim 23 daiosis bilong PNG na Solomon Ailans i bin kamap. Namel long ol dispela man na meri, i gat wanpela bisop tu i bin kamap, em Bisop Henk bilong Bogenvil husat i bin kamap makim ol bisop.

Astinging tru bilong dispela bung, em long bungim olgeta Katolik lei man na meri bai ol i ken serim na autim sampela tingting na ekspirien bilong ol long wok bilong sios long wanwan daiosis na komyuniti bilong ol. Moa yet, dispela bung i givim sans long ol lei man na meri long tokaut long ol kain kain hevi bilong ol man i stap insait long komyuniti. Bikpela samting, taim ol i mekim wok bilong sios insait long ol komyuniti bilong ol, bai ol i ken painim na luksave long dispela ol hevi.

Moa yet, dispela bung i givim sans long ol lei man na meri long tokaut long ol kain kain sosel na moral hevi, we ol i painim na luksave, long taim ol i wokim wok bilong sios long daiosis bilong ol. Dispela bung em i olsem wanpela singaut or nek bilong ol Katolik lei man na meri bilong PNG na Solomon Ailans we, planti bi-



Asembli i makim Mr Joseph Kirinam (Daru-Kiunga) na Mrs Lucia Tomdia (Port Moresby) olsem nek bilong ol long Katolik Bisops Konprens long Mun Epril.

long ol tingting na wari ol i autim, bai i kamap long bung bilong ol Katolik Bisops Konprens long taim ol bisop i bung long mun Epril. Na tu, planti bilong ol gutpela toktok na kain kain ekspirien we ol i serim, bai i helpim ol bisop, long givim gutpela piksa, long ol bisop long wok bilong sios insait long PNG na tu long Solomon Ailans.

Ol lei man na meri husat i bin kamap long dispela bung i bin amamas tru na i tok olsem: "Dispela bung em i wanpela naispela bung we i givim sans long yumi ol lei man na meri long autim sampela tingting bilong mipela na givim long ol

bisop long taim ol i bung long dispela bikpela kibung bilong ol".

Olgeta bilong ol lei man na meri husat i bin kamap long dispela bung i bin i gat bikpela amamas tru long bel bilong ol, na ol i bilip olsem dispela em i wanpela gutpela sain, we i soim olsem Spirit bilong God i wok strong yet insait long Sios long bungim ol pris, bisop, na rilijes wantaim ol lei man na meri long wokbung wantaim na tu long strongim wok bilong Krai i go het yet long graun.

Dispela yia, 2009, Katolik Bisops Konprens i bin makim olsem em bai, Yia bilong ol Leiti.

Centenary of the birth of Fr. Riccardo Lombardi (1908-2008)

Novena for the renewal of the Church, April 4 - 12, 2009

Fr. Riccardo Lombardi was an important advocate of renewal in the Church and influential in bringing about the Second Vatican Council. He began the Movement for a Better World, now known as the Community Animation Service. We see as our mission to carry on the work of renewal through the implementation of the spirit and theology of the Council.

As part of our celebration of the centenary of his birth we invite you all to pray a Novena for the Renewal of the Church in PNG/SI to end on Easter Sunday.

As we celebrate the resurrection of Jesus let us set ourselves on a new resurrection for the Church, a new birth, a new beginning in order to meet a new world and a new time in history.

Let us pray to be renewed in the spirit of the Council to live as a Church of Communion, as individuals, as family and community, as parish and diocese, and as religious communities.

With Father Lombardi we renew our lives as Church, so that we can build a better world for all people.

We offer the following prayer to be said together each day.

A Prayer of Fr. Lombardi

"Now I see ever more clearly that I am one very brief moment in a history that will carry on without interruption when I am gone, the building of something that will be completed only at the end of time: the Church, the whole, perfect Christ. I have just one moment, and afterwards I shall say, 'I am your humble servant': all that will remain of me, or at least this is what I hope, is that Jesus will be a little more the 'Master' of the world. It is He, He who lives in me, one moment of His life and when I disappear He will continue to live in others" (Diary, 5/9/63).

50 YIA LAE DAIOSIS, 100 YIA MARIANHILL

FIFTI yia i go pinis, long Jun 18, 1959, Pop John XXIII i bin makim Katolik Sios bilong Morobe olsem Daiosis bilong Lae. Na long dispela pas em i givim daiosis long han bilong ol Mariannahill Misinari. Wanpela yia bihain, long 1960, ol namba wan lain bilong dispela misinari i kamap long Lae.

Dispela Kongrigesen bilong ol Mariannahill Misinari ol tu i selebretim wanpela jubili. Long Febuari 2, 1909, Pop Pius X i pasim tok olsem: Mariannahill Monasteri bilong Oda bilong ol Trappist long Saut Afrika i kamap olsem nupelana independent misin institut. Olsem long Febuari 2, 2009, Kongrigesen bilong Mariannahill i gat 100 krismas.

Na ol Mariannahill Misinari i selebretim wanpela aniversari moa; Papa bilong dispela Mariannahill Monasteri, Abbot Francis Pfanner, husat i kamapim dispela monasteri bilong Oder bilong ol Trappist monk, i dai 100 yia i go pinis. Dispela em long wankain de, Febuari 2, 1909, taim Pop Pius X i kamap dispela monasteri bilong ol Trappist na i kamap nau asples bilong ol Misinari bilong Mariannahill.

I luk olsem longpela stori i go pas long kirap bilong Kongrigesen bilong Mariannahill. Dispela Abbot Francis Pfanner, em i husat, na wanem wok em i mekim? Bino Pater Pfanner em i wanpela naris tris

long Austria. Taim em i gat 38 krismas, long 1863, em i lusim daiosis na i joinim Trappist Oda long Monasteri bilong Mariawald long Jemani. Laip bilong ol Trappist em i hat. Olgeta de na nait ol i lotu planti awa na singsing ol Sam. Ol i no save toktok planti, hapim kaikai, tambu long abus, kirap long 2 kilok bikmoning, prea na wok oltaim na i no save lusim haus bilong mekim wok ausait.

Bihain ol i salim Pater Francis long wokim nupela monasteri long Bosnia. Bikpela haus i kamap pinis na planti nupela monk i pulapim haus. Nau Pater Francis i harim singaut bilong wanpela bisop long Saut Afrika na em i go wantaim 30 arapela brata na em i kamapim nupela haus bilong ol Trappist long Saut Afrika long 1882. Na Pater Francis i kamap abbot bilong nupela komyuniti. Kwiktaim planti nupela memba i pulapim dispela haus, inap long 300 monk. Tasol Abbot Francis i marimari tu long ol planti haidenmanmeri i stap ausait long monasteri, na kwiktaim em i statim wok misin namel long ol pipel long dispela provins ol i kolim Natal. Abbot Francis wantaim lain bilong em i wok hat long autim Gutnius na 20 yia bihain ol i kamapim pinis 28 bikpela misin stesin. Tasol ol Trappist i tambu long mekim pastoral wok ol wok misin, olsem em i brusim kain kain to

olsem lusim haus, hapim kaikai, tambu long toktok, pre wantaim komyuniti long haus lotu bilong monasteri. Ol hetman bilong ol Trappist long Rom i pilim dispela wok misin bilong Marannahill Monasteri i no fit long wok na sindaun bilong ol Trapist. Tasol wok misin i kamap bikpela pinis, planti skul, haus sik, sios i kamap pinis, na ol i no inap long stopim dispela gutpela wok. Olsem ol i toktok planti long painim gutpela rot inap ol i pasim tok bai dispela monasteri i mas lusim Oda bilong ol Trappist, na ol i ken mekim wok misin i go het. Olsem Pop Pius i pasim tok na raitim pas long Febuari 2, 1909, na em makim Monasteri bilong Mariannahill olsem nupela independent Kongrigesen bilong ol Misinari bilong Mariannahill.

Long dispela yia 2009 em i 50 yia i go pinis na Pop John XXIII i makim Lae olsem nupela Daiosis na em i singautim ol Mariannahill Misinari long mekim wok mission long Morobe provins.

I gat spesel selebresen bilong dispela jubili long Saut Mary katitrel long Sande, Febuari 1, 2009. Long dispela lotu sampela yangpela memba bilong Mariannahill i autim promis bilong ol.

God i ken blesim wok bilong Mariannahill long dispela yia bilong tripela jubili.

Fr. Francis Lonnan CMM

Ol Sekret Hat Bruder makim 50 yia wok long PNG

K2. Sampela taim em klostu long makmak bilong wanwan ol Sekret Hat Bruder husat i wok wantaim ol mangi bilong kantri husat kot i painimaut i brukim lo na i mekimsave long ol.

Ol bruder i wok long Erap Taun bilong ol Boi (Erap Boys Town) ausait long Lae long Morobe provins, Wewak Taun bilong ol Boi (Wewak Boys Town) long Wewak, Is Sepik provins, na Hohola Juvenail Rimana Senta (Hohola Juvenile Remand Center) long Hohola long Mosbi.

Dispela ol 'taun' o senta em ol hap we kot i save salim ol mangi krismas bilong ol i aninit long 18 i go long kisim mekimsave long rong ol i mekim na tu kisim helpim long senisim pasin bilong ol.

Ol bruder i save mekim bikpela wok long helpim ol dispela mangi. Tasol gavman i save givim K20,000 long olgeta tripela mun i go long Dipatmen bilong Jastis

na Atoni Jenerel long tilim namel long ol dispela tripela senta. Wanwan senta bai kisim olsem K6000 insait long tripela mun o K1,300 insait long wanpela mun. Bihain long mani i go long olgeta narapela wok bilong ol senta, makmak bilong wanwan bruder em bai klostu long K2. Em i daun-bilo tru.

Tasol dispela hevi wantaim tu ol arapela olsem ol i nogat helt na sefti polisi we i lukautim ol sapos ol birua i kamap, o ol i sik o dai long wok, i no stopim ol bruder long mekim wok bilong ol. Dispela wok em ol i mekim planti yia long Papua Niugini, na long Epril 31, ol bai amamasim namba 50 yia bilong ol long mekim dispela wok long kantri.

Long dispela de long Epril, planti ol manmeri husat i bin givim sapot long wok bilong ol Sekret Hat Bruder bai kamap long Wewak long amamasim dispela 50 yia anivesari bilong wok

bilong dispela kongrigesen long PNG.

Namel long ol dispela manmeri bai sampela ol bruder husat i lusim pinis kongrigesen, ol man husat taim ol i ol i bin ol mangi i bin stap long ol dispela senta, na ol leiti.

Ol dispela manmeri bai luksave long wok ol bruder i mekim, i no long ol dispela tripela senta tasol, tasol long ol narapela hap olsem yut trening senta bilong kongrigesen long Brahmans, Madang provins, na hetkota bilong kongrigesen long Wewak, we ol bruder i lainim ol yangpela manmeri long ol wok olsem wok kamda na mekanik.


Long ol dispela 50 yia long kantri, ol bruder i strongim ol rait bilong ol pikinini na ol yangpela manmeri. Ol i no mekim bikpela nois long wok bilong ol. Nogat. Ol i wok isi isi tasol, soim daunpasin na bihainim stret tok promis bilong ol long soim laikim bilong

Sekret Hat long olgeta manmeri - moa yet ol yangpela manmeri long wol tude.

Olsem na taim yu mekim ol wok bilong yu long dispela nupela yia, sampela taim stop, stap isi, tingim na pre long ol Sekret Hat Bruder na wok ol i mekim.

Sapos yu laik givim mani long helpim wok bilong ol Sekret Hat Bruder o long helpim wok bilong amamasim namba 50 anivesari bilong ol, yu ken salim mani i go long benk akaun bilong kongrigesen bilong ol Sekret Hat Bruder, ANZ Bank, Wewak, akaun namba 12902063. Long kisim moa toksave, yu ken ring long telepon i go long jubili siaman Wolfy Wamuk, o jubili tresera Bruce Truton long telepon namba 856 1171. Yu ken ring tu i go long Supina Jenerel bilong ol Sekret Hat Bruder, Br. Bernard Werao long telepon namba 856 2825.

STORI TASOL
wantaim
Fr Paul Liwun



Len i kamap pinis

OLGETA Trinde, i no save i gat misa long moning long Erima peris. Olsem na sampela taim mi save slip abrusim taim mi save kirap long en sapos mi laik.

Long Es Trinde, mi laik slip moa long moning, tasol wanpela pren bilong mi i bin kirapim mi wantaim wanpela SMS toksave long mobail telepon.

SMS i tok: Tambu long wokim sin. Kamapim gutpela taim. Lusim sin. Lotu long God tasol. Wokim gut long God na soim marimari long ol manmeri. Amamas long taim bilong Len. God i blesim yu long taim bilong Len.

Mi bin tokim ol manmeri na sumatin bilong Erima long Es Trinde, long taim bilong skul misa lotu long dispela SMS.

Taim bilong Len em i gutpela taim bilong yumi long tingim bek olgeta gutpela samting yumi bin wokim, tasol moa yet, olgeta sin bilong yumi. Olsem na pren bilong mi i salim gutpela toksave long mi long namba wan de bilong Len stret.

Yumi manmeri bilong graun i save wokim wanem kain sin?

Sampela bilong yumi i wokim sin wanpela o tupela taim long wanpela de. Sampela i wokim planti moa yet.

Sampela taim yumi save wokim wankain sin na yumi i no pilim sin moa, long wanem em i kamap olsem bun na mit bilong bodi pinis.

Long skul misa long Santu Peter Chanel Praimeri Skul na Limana Vokesenel Skul, mi bin tokim ol tisa na sumatin olsem; sapos yu kam bihain long taim skul i save stat, yu sin, long wanem yu brukim lo bilong skul.

Tasol planti sumatin i no pilim em i sin moa, long wanem ol i save kamap bihain long taim olgeta de.

Long namba wan Sande misa lotu bilong Len, mi bin tok olsem sin yumi save wokim planti taim em i les pasin. Mi givim wanpela tok piksa.

Dispela tok piksa em bilong Gavana bilong Nesenel Kapitel Distrik (NCD), Powes Parkop. Mjsta Parkop i mekim tambu long ol manmeri long salim buai long ol pablik hap long NCD.

Dispela lo em kamap long wanem? Em kamap long wanem yumi save sin. Yumi save soim les pasin. Yumi save les long klinim ples o tromoi pipia gut long rabis bin.

Sapos yumi i no i bin les, Mista Parkop bai i inap putim dispela tambu. Tasol dispela pasin bilong tromoi skin bilong buai o spet nabaut em yumi mekim go na yumi i no ting em sin moa.

Narapela sin em pasin bilong tingim yu yet pas o 'mi pasin'. Mi pasin i save karap long wanwan, komyuniti o wanwok bilong yumi na i save bagarapim komyuniti na oganaisesen tu.

Long namba wan Sande bilong Len mi bin givim wanpela tok piksa i stap long Maino Heduru Vokesenel skul.

Las yia, Nesenel Kapitel Distrik Komisnin (NCDC) i bin makim sampela lain long wokim nupela toilet na klasrum long hap.

Tasol inap tude, yumi lukim pos tasol i sanap na wok i no pinis.

Dispela i kamap long wanem long 'mi pasin' tasol. 'Mi pasin' we NCDC i bin makim wantok bilong ol long mekim dispela wok.

Wok i no kamap tasol mani i pinis na 'mi pasin' bilong ol i kamapim hevi long dispela skul.

Em sampela sin i save kamap tasol bel bilong yumi i pas pinis. Yu ken painim moa, long wanem taim bilong len, em i taim bilong senisim laip bilong yumi. Sapos olsem, yumi bai kamapim gutpela taim long yumi yet na ol narapela manmeri tu.



ATIS: Man bilong droim ol katun (katunis) bilong Wantok Niuspepa, Jada Wilson, i bin wanpela bilong ol mangi husat i bin stap long Wewak Bois Taun long 1970. Em i bin skul long hap long dro na bihain i kisim wok wantaim Wantok Niuspepa na i kamap wanpela bilong ol nambawan katunis long Saut Pasifik. Dispela olpela foto we i bin kamap long New Nation Niuspepa i solim Mista Wilson wantaim ol sumatin bilong Okapa Hai Skul husat i bin raun i kam long Mosbi long 1989. Ol i bin kam raun long opis bilong Wantok Niuspepa na i glasim Mista Wilson i droim wanpela katun i stap. Mista Wilson em gutpela piksa long wok ol Sekret Hat Bruder i mekim long skulim ol mangi. *Wantok Niuspepa Foto*

“Mama bilong mi stiaim laip bilong mi”

Christine Anu i stori

Veronica Hatutasi i raitim

“ZIPPORAH. Em nem bilong mama bilong mi. As tok bilong dispela nem em ‘Mama bilong solwara’. Mama bilong mi i wanpela strongpela meri. Em i stiam laip bilong mi, na mi laikim em tru.”

Biknem musikmeri bilong Australia, Christine Anu, i mekim dispela tok long wanpela bung long Hai Komisnin bilong Australia long Papua Niugini (PNG). Hai Komisnin i askim Anu long kam long PNG long stap insait long ol wok bilong luksave long na amamasim Australia Wik long kantri.

Long dispela bung las wik Trinde long Mosbi, Mis Anu i bung na toktok wantaim samting olsem 100 meri, planti bilong ol bilong PNG. Dispela bung i long makim Intanesenel De bilong ol Meri.

Mis Anu, wanpela asples Australia, i gat bikipela luksave olsem wanpela musikmeri, meri bilong ekt, ha meri husat i makim maus bilong ol asples Australia.

Em i tok ol meri long laip bilong em i ol lain husat i helpim em kamap long mak em i stap long en tude, na bai helpim em

kamap long mak em i laik kamap long en long taim bihain.

Ol dispela meri we Mis Anu i tok i helpim em i ol meri olsem mama bilong em Zipporah. Mama bilong Mis Anu i bin karim em long Ken (Cairns). Mama bilong Anu i bilong ol ailan bilong Torres Strait. Ol dispela ailan i stap namel long Australia na PNG, klostu long Daru long Westen provins.

“Mama bilong mi i save amamas long kisim mipela ol pikinini bilong em i go long ples bilong em. Taim mipela i save go long hap, mipela i save stap long wanpela haus wantaim ol 17 hauslain bilong em.

“Mipela i save singsing na danis long taim bilong ol bikipela bung bilong amamas long ples. Mipela i save slip long graun na lukluk long ol sta antap long skai na harim ol stori tumbuna long rot ol man, animol, wara, solwara, graun na ailan i kamap.

“Long moning mipela i save kaikai mango na ‘dempa’ o bret. Kaikai i pulap na mipela i no save hangre. Ailan laip em i paradais,” Mis Anu i tok.

Tasol em i tok olsem sampela taim laip long paradais tu i save hat liklik.

“Mipela i save painim hat

long stap long haus i nogat pawa (ilektrisiti), lait, na ren i save pundaun i kam insait long rup bilong haus.

“Tasol mama bilong mi i skulim mi long ol tingting na pasin we i stiam laip na sindaun bilong mi, na nau mi dispela meri tude,” em i tok.

Ol narapela meri husat i givim ol toktok long dispela bung we Mis Anu i toktok long en, em Eileen Kolma, mauseri bilong PNG bilong Oxfam Intanesenel (Oxfam International), na Sinia Majistret Reginia Sagu.

“Long moning mipela i save kaikai mango na ‘dempa’ o bret. Kaikai i pulap na mipela i no save hangre. Ailan laip em i paradais.”

-Anu



OLSEM MAMA: Mis Anu, biknem musikmeri husat i gat bikipela luksave long ol manmeri long wol, i tok ol meri long laip bilong em i helpim em kamap long dispela mak. *Lukim narapela stori long Pes 16.*

Save i ken helpim

I kam long las wik

Skruim ol toktok long abrusim sik long lewa

Namel long 11 kilok hat na 1 kilok bikmoning, live i wok long klinim bodi. Olsem na em i gutpela taim long slip na ianm o wa long gut. Bikmoning namel long 1 kilok - 3 kilok, wok long klinim bodi go het long harapela hap bilong bodi we pipia i rausim i go long hap bilong pispis. Namel long 3 kilok na 5 kilok bikmoning, wok long klinim bodi i go het long lang. Sampela taim, bikipela kus bai i kisim ol i gat kus long dispela taim. Tasol noken kisim kus marasin long wanem dispela bai bagarapim wok long rausim ol pipia bilong bodi.

Long moning namel long 5 kilok na 7 kilok, wok long klinim bodi i go het na long dispela taim, yu i mas rausim ol wara nogut o pispis. Moning namel long 7 kilok na 9 kilok, em i taim bilong bodi long kisim kaikai na yu i mas kaikai.

Moa long neks wik

Gavman i mas wok wantaim ol manmeri long daunim ol birua bilong gan

Veronica Hatutasi i raitim

GAVMAN i mas sabotim wok o oganaisesen i wok namel long ol komyuniti i mekim long daunim pasin bilong yusim ol gan long bagarapim ol narapela manmeri, moa yet ol meri long kantri.

Em toktok bilong Eileen Kolma, mauseri bilong Oxfam Intanesenel (Oxfam International) long Papua Niugini (PNG).

Misis Kolma i mekim dispela ol toktok long wanpela bung long makim Intanesenel De bilong ol Meri long Hai Komisnin bilong Australia long Mosbi las wik Trinde.

Misis Kolma i tok olsem pasin bilong ol manmeri long yusim ol gan long pretim ol narapela, pait

namel long ol wanpisin, stii, bagarapim ol meri na kamapim planti arapela birua i kamap bikipela long PNG.

“Gan i kamap olsem pasin tumbuna. Nau sampela manmeri i wok long mekim ol gan na katres wantaim,” em i tok.

Em i tok olsem pastaim ol manmeri – moa yet ol man – i save yusim ol gan long sutim ol abus. Tasol tude, ol man i save yusim ol gan long pretim na bagarapim ol meri, o kilim dai man. Em i narakain tru.

“We yumi stap tude i soim strong bilong gan. Yumi save stap insait long ol waia banis na i no save go ausait long helpim ol manmeri i stap long haus klostu taim ol i singaut long helpim long

taim bilong hevi.

“Ol manmeri i no stap na raun gut. Nogat. Ol i pret,” Misis Kolma i tok.

Em i stori long wanpela gret 12 skul meri husat long 2006 husat i wok long wokabout i long haus bihain long skul taim wanpela man i pretim em wantaim gan na kisim em i go long taiswara long Morata na bagarapim em planti taim.

Dispela man i lusim dispela meri long dai, tasol sampela lain i painim dispela meri na kisim em i go long haus sik. Dokta i glasim em na givim em marasin tasol ol bagarap em i kisim i nogut tru. Dokta i toksave long dispela yangpela meri olsem em i no inap karim pikinini. Laip bilong em

nau na long taim bihain i bagarap olgeta.

Misis Kolma i tok dispela kain pasin i kamap bikipela long olgeta hap bilong kantri long olgeta yia. Planti manmeri i dai, kisim bagarap na pilim hevi long dispela kain pasin.

Em i tok ol man bilong mekim ol lo na polisi na ol lain i save kamapim ol program i mas glasim gut ol as bilong ol dispela hevi taim ol i mekim wok bilong ol. Na ol dispela lain i mas wok wantaim ol manmeri long daunim dispela hevi.

Em i tok gavman na ol dona ejensi (ol oganaisesen husat i save givim mani long PNG long helpim ol wok divelopmen), i mas bihainim dispela rot long wok.

WANTOK KOMENTRI

I gat gutpela na nogut skul?

BIPO, taim ol tumbuna bilong yumi bin sindaun long kalsrum namba wan taim na kism skul long ol Australia o manmeri na misinari bilong Jemani (Germany), ol i bin lukim skul olsem samting bilong strongim ol.

Taim ol i sindaun na kism skul long wanpela samting, em i strongim ol nau olsem wanpela save-manmeri.

Ol samting ol lain bipo i bin lainim, em ol as bilong save long ol samting olsem Tok Inglis, lainim long raitim Tok Inglis, na lainim long ritim buk ol i raitim long Tok Inglis.

Ol skul i bin bihainim kurikulum o skul save mak bilong Australia.

Planti manmeri husat i bin skul long bipo i tok em i mobeta long skul ol pikinini bilong ol i kism tude. Tasol i no klia sapos em i tru o nogat.

Samting yumi kolim skul, em yumi inap kism long kain kain hap.

Ol yangpela tude, em ol i save kism long skul. Tasol i no skul tasol.

Pastaim long pikinini i lusim lukaut bilong papamama na em i go long skul, em i mas gat liklik save pinis we em i kism long haus. Dispela em pasin bilong i gat rispek arapela, pasin bilong harim tok, pasin bilong luksave long as bilong skul, na pasin bilong traime nupela samting.

Tude, planti papamama i no save tingting olsem. Em i no gutpela. Pastaim long ol pikinini bilong yumi i go skul, em i mas save long strong bilong em olsem wanpela pikinini bilong Papua Niugini (PNG).

Luksave bilong busgraun na wara em i bikpela long laip bilong yumi long ples. Na tu, pasin bilong givim luksave long arapela olsem yu yet, em i gutpela pasin ol pikinini i mas i gat, pastaim long ol i go long skul.

Astingting bilong skul tu i noken abrus.

Skul bilong klasrum, em i skul bilong save long olgeta samting yu bai i mas i gat long strongim laip na sindaun bilong yu. I gat skul bilong ol pasin tumbuna tu i stap, we em i gutpela long strongim nem bilong manmeri olsem tru tru man.

Olsem na nau, we i gat planti kain kain askim long strong bilong skul ol yangpela bilong tude i wok long kism. Em nau bai yumi mas glasim gut edukesen sistem kantri i wok yusim nau.

Long wanem, taim wanpela pikinini i pinisim skul i go inap long gret 10, em nau, dispela pikinini em i fit long go stap long ples na mekim wok. Planti pikinini bilong yumi i bihainim dispela rot pinis. Taim ol i nogat spes long ol bikpela skul, ol i save lus tingting long skul na go stap long ples.

Em nau bai yumi lukim planti ol yangpela i raun raun nating na i no go skul.

Olgeta dispela samting i save bung i go na kamapim ol hevi bilong lo na oda.

Olsem na skul bilong papamama long haus em i bikpela samting. Sapos ol pikinini i kism gutpela stia long haus, taim ol i go skul, dispela ol tok stia bai ol inap yusim gut tru long strongim save ol i kism.



Tripela meri bai opim dua

I GUTPELA long harim olsem nem bilong tripela meri i kamap pinis long haus palamen long ol memba bilong palamen (MP) long vot long ol i kamap olsem ol MP. Dispela bai namba wantaim tru long lukim sia bilong ol meri long kamap ol MP i stap nau.

Taim Papua Niugini (PNG) i kism indipendens i kam inap nau, ol meri i save painim hat long wirim ol ileksen na kamap ol MP. Tripela meri tasol, Nahau Rooney, bilong Manus provins, na Dem Josephine Abajiah bilong Milen Be provins pastaim, na nau. Dem Carol Kidu bilong Mosbi Saut ilektoret, i sanap long palamen. Long provinsel level, Ennie Moitz i bin holim Morobe provinsel sia.

Tasol planti arapela meri husat i resis long nesenel ileksen i nogat sans tru long win. Long dispela as nesenel gavman i traime kamap wantaim rot bilong givim sia long ol meri i ken kamap ol MP.



I gutpela olsem dispela rot i op nau. Las wik i kam palamen i traime long vot long ol meri bai kamap ol MP, tasol gavman i no kamapim 73 vot bilong mekim dispela i kamap. Em orait. Bikpela samting em olgeta wok na rot bilong putim ol meri i go long palamen em pinis. Wok bilong palamen long kamapim vot em liklik samting. Em samting bilong painim namba tasol. Oposisen i no soim sapot bilong ol long vot wantaim. Sampela memba bilong gavman tu i no givim sapot bilong ol. Em orait. Ol i man na ol bai senisim tingting bilong ol sampela taim bihain.

Ating em ol laik traime gavman tasol na lukim sapos gavman i

gat namba o strong long kamapim kain bikpela senis olsem long palamen o nogat.

Dispela wik ol meri grup i mekim planti nois taim ol lukim olsem palamen i no makim ol dispela tripela meri MP i go long palamen.

Presiden bilong Nesenel Kaunsil bilong ol Meri (NCW), Scholar Kakas, i tok hat long pasin ol lida bihainim long kamapim nem bilong ol dispela tripela meri. Em ting nem bilong ol meri i mas kam long opis bilong NWC na i no nabaut nabaut.

Dispela em namba wan taim tru long PNG long kain wok olsem i kamap long givim luksave long ol meri, na i mobeta olgeta meri grup i givim sapot na larim dispela wok i kamap pastaim. Bihain orait ol wantaim wanem opis i lukautim ol meri i ken sindaun gut, glasim na stre-tim dispela wok.

Dem Carol i wok hat tru long

lukim dispela nupela senis i kamap. Ol meri i mas wokbung wantaim em long makim strongim dispela wok. Taim 2012 Nesenel ileksen i kamap, mi bilip ol meri bai resis gut tru wantaim ol man long kism ol sia long palamen.

Wok bilong ol dispela tripela meri nau long palamen i bai opim ai na tingting bilong ol manmeri long PNG. Ol bai lukim stret save na strong bilong ol meri long mekim disisen na ol wok bilong bosim gut kantri.

Long dispela rot ol manmeri bai senisim dispela strongpela tingting bilong pastaim na stat long soim bilip long ol meri na vot long ol i kamap ol lida bilong kantri bilong yumi. Em dispela rot tasol gavman i wok long traime nau.

Olsem na sapotim na larim em wok inap 2012. Bikpela senis inap kamap bihain na olgeta meri bai kism luksave.

OL PAS

No wanbel long Pukpuks sileksen

Dia Edita, Mi laik autim belhevi bilong mi long sileksen bilong anda 20 Junia Pukpuk skwat i go long Kenya bilong IRB Wol Junia Trofi Sempionsip.

Dispela bikpela pilai bai kamap long mun Epril. Namba wan hevi mi gat long en, em long lukluk bilong mi, kosa Robin Tarere na ol lain bilong em i no givim wankain luksave long sileksen bilong ol. Na mi ken tok, i luk olsem i gat sampela wansait pasin i kamap long dispela sileksen. Bikpela namba ol pilai

long skwat em ol pilai bilong Lae sait. Em tim bilong Tarere yet, na ol arapela em ol pilai bilong Difens klab bilong Pot Mosbi. Dispela tim em i tim bilong asisten kosa Sydney Wesley.

Dispela kain pasin i pasim tru sampela ol gutpela pilai husat i stat long trening long mun Desemba las yia yet.

Mi save olsem i no olgeta pilai bai kism luksave, tasol i luk olsem i no fe tumas olsem sampela ol pilai i stap ausait long Mosbi na long Lae (olsem long Rabaul na Australia) i

isi tasol na go insait long lainap. Maski ol i pilai wanpela gem tasol na ol i no mekim skwat trening wantaim tim.

Dispela kain wansait luksave i ken kilim bilip bilong ol yangpela pilai husat i strong na mekim pilai ragbi i kamap profesinol. Kain wansait luksave pasin olsem i save daunim ol.

Namba tu samting, sapos Tarere na ol lain bilong em i gat timsit bilong ol yet pastaim long ol trail na skwat trening i go het, watpo na ol i kism ol yangpela i go nating long Lae? Em ol i west-im nating mani na taim

bilong ol dispela yangpela.

Junia ragbi i wok lukim planti ol gutpela pilai i wok long kam antap, tasol em i taim bilong junia ragbi developmen opis long givim wankain luksave na mekim wok bilong ol bihainim tru tru spirit bilong gem.

Ragbi Yunion i save tok em i pilai ol i save pilai long heven, tasol sampela taim, em i save pundaun long pasin bilong satan.

JUNIA RAGBI DAIHAT BOROKO NCD

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia
radioaustralia.net.au

Haram TOK PISIN Jamb
Port Moresby
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 12800(KHZ)

Kiribas gavman na ANU kamapim fres wara polisi

GAVMAN bilong Kiribas (Kiribati) i wok-bung wantaim ol savelain bilong Australian Nesenel Yunivesiti (ANU) long kamapim wantaim wanpela polisi bilong lukautim gut fres wara, wara kwaliti na ol wokwas o protek-sen.

Planti pipel bilong Kiribas i stap aninit lik-lik long 6 mita longwe long solwara mak-tasol bikpela wari bilong ol pipel nau em bilong painim ol fres wara we.

Wanpela wok painim nau tasol i painim olsem 7-pela long ol 10-pela bikpela namba wan tingting, i bin i gat ol askim ol-bai painim fres wara long we?

Ples drai na hatpela san i save kamap oltaim na i hat long painim fres wara. Tu bikpela namba bilong ol pipel muv i go insait long ol taun na dispela i kamapim moa hevi.

Profesa Ian White bilong ANU, i tok, kamap wantaim wanpela polisi i mekim olgeta hap bilong komyuniti i save long dispela hevi.

Solomons polis i painim tripela man long Malaita

POLIS long Solomon Ailans (Solomon Islands) nau i mekim wok painim long Malaita provins long tripela man em ol i sutim tok long ol long kilim wanpela pris.

Dispela pris ol i bin kilim wantaim naip em long Is Kwaio hap bilong provins tripela wik i go pinis. Ol toktok i bin kamap olsem dispela pris i wok long lainim ol pasin bilong kilim ol pipel.

Polis bilong Rijenel Asistens Misin long Solomon Ailans (RAMSI) i helpim ol wok bilong painim ol dispela pipel.

Ekting Polis Komisina blong Solomon Ailans, Peter Marshall, i bin tok ol dispela pipel, nau i ronawe pinis i go hait long maunten, tasol em i bilip bai ol i kisim ol yet wantaim helpim bilong komyuniti bilong Is Malaita.

Toksave go long gavman olsem ol sumatin i no skul gut

GAVMAN bilong Papua Niugini (PNG) i kisim tok lukaut pinis olsem planti ol sumatin i no skul gut long wanem ol haus slip na klasrum bilong ol skul i bruk nabaut.

Frimin Nanol i ripot olsem ol klas long wanpela bilong 4-pela nesenel hai skul long kantri, Aiyura, i stop skul long wanem long dispela hevi.

Long narapela nesenel hai, Sogeri, sampela ol klasrum i no fit long ol sumatin skul insait long en.

Prinsipel Benny Rayappan i sutim tok long ol atoriti long ol i no givim mani long mekim wok stretim long ol dispela klasrum.

SEKIM WARA



GLASIM: Wasmeri bilong wara long ples Maroochy long Kwinslen, Cerran Fawns, i kisim sampela wara bilong glasim. Wanpela wik bihain long wanpela kago sip, Pacific Adventure i bin bungim hevi long solwara na kago bilong em i kapsait. Sip i lusim 31 kontena ammonium naitret long nambis bilong Kwinslen. Insait long ol dispela hanwara kain kain ol repela gras i wok long groa, na dispela i soim olsem i mas i gat sik i stap long wara. I gat ol pis long en tu i wok long dai nating. *Poto: AAP/Dave Hunt*

Em i tok, dispela hevi i wok long givim hevi gen long ol sumatin na ol tisa.

Gavman i no givim wanpela as long wanem na moa long 80 million US dola em ol i bin makim bilong mekim wok stretim long ol edukesen fasiliti namel long ol 4-pela nesenel hai skul i stap yet long wanpela tras akaun.

Palamen bai traim gen long votim ol meri

OL MEMBA bilong Palamen (MP) bilong Papua Niugini (PNG) bai vot gen tude long dispela mosen bilong makim tripela meri i go insait long palamen.

Dispela mosen i bin lus las wik, tasol meri i sponsaim dispela mosen, Dem Carol Kidu i bilip palamen bai tok orait long en tude.

Em i tok sampela ol MP i no bin kisim stretpela toktok long dispela bil olsem na ol i bin vot nogat long namba wan taim ol i vot long dispela bil.

Saina laik lukautim ol eksport sekta bilong em

SAINA (CHINA) i no laikim bikpela eksport sekta bilong em long stap insait long narapela Tritti bilong Klaimet Senis.

Wanpela sinia klaimet opisel bilong Saina long raun bilong em i go long Washington

(Washington) long Amerika (United States of America), Li Gao i tok, ol kantri i gat planti mani husat i impotim ol gud long Saina i mas go pas long wok bilong klaimet senis.

Em i tok, dispela em i wanpela bikpela samting taim ol i bin lukluk long en long kibung long Kopenhagen (Copenhagen) las Disemba, em i bin min long ol i tok orait long wanpela pos-Kyoto wanbel.

Ol klaimet mausman bilong Saina, Siapan (Japan) na Yuropien Yunion (European Union) nau i holim ol toktok wantaim gavman bilong Amerika.

Se Rabbie siaman bilong kibung

OL I MAKIM pastaim praim ministā bilong Papua Niugini (PNG), Se Rabbie Namaliu, long kamap siaman bilong dispela Fiji 'President Political Dialogue Forum' em bai i kamap long mun bihain.

Fiji Live i ripot olsem Yunaitet Nesens (UN) na Komonwelt i putim nem bilong Se Rabbie long kibung bilong ol politkel pati long Suva long wik i pinis.

Tasol tupela pati bilong Fiji i bin i gat ol askim long endosmen long lukautim sia bilong kibung.

General Voters Party na Conservative Alliance Matanitu Vanua i tok i nogat wanpela i save long em o long nem bilong em long Fiji em UN na Komonwelt i putim.

Kot kalabusim sampela soldia na wanpela polisman

OL I KALABUSIM 8-pela ol soldia na wanpela polisman long 4-pela yia long ol i stap insait long dai bilong wanpela yangpela taim em i bin i stap long lukaut bilong ol long rum gat.

Ricordo Morris ripot olsem - kot i bin painim ol dispela 9-pela man i bin rong na kalabusim ol long 'manslaughter' bilong Sakiusa Rabaka, krismas bilong em 19 - husat ol i bin pulim kalabusim em wantaim ol narapela yangpela manmeri wantaim. Ol i bin sutim tok long ol i bin i gat ol drag long mun Febuari long 2007.

Lautoka Hai Kot jas Daniel Goundar i bin tok ol dispela opisa i bin rong na em givim mekimsave long ol.

Taim emi kalabusim ol dispela opisa, jas i bin tokim ol olsem, i tru - tingting bilong ol long pulim kalabusim Mista Rabaka na ol poro bilong em i bilong lukautim lo na oda, tasol ol i bin kalapim mak bilong wok bilong ol bilong lukautim ol dispela yangpela taim ol i stap long han bilong ol.


Jas i bin tok, ol dispela opisa i bin brukim lo na ol yet i bin skelim rong bilong ol yangpela givim mekimsave long ol.

PacificBEAT


Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia's current affairs programme which focuses on island nations, bringing you insights and evening coverage of Pacific current affairs including inter-debate with political leaders, newsmakers, and the people who make the Pacific beat.



PATO TING EM I DOK: TRU tumas. Dispela pato, nem bilong em Essy, i ting olsem em i wanpela dok. Taim mama bilong em Steph Tuft i save laik kisim Essy wantaim tupela dok bilong em i go wokabaut raun, Essy i save laikim bai ol i mas pasim rop long nek bilong em tu. Em nau bai em i wokabaut wantaim tupela poroman dok bilong em, Rachka (lephan) na DD (raithan). *(AP Poto i kam long AAP Images/Chris Ison-pa)*



KUKIM GAN: OL gan i paia long Tunde dispela wik bihain long ol polis long Kenya, Afrika i bungim na laitim paia long ol. Ol dispela gan em polis i painim long ol kain kain ol raskol pasin. Ol i bungim i stap, na nau ol i kukim long paia na rausim ol. *(AP Poto/Karel Prinsloo)*



MERI O MASIN? TUPELA wantaim. Dispela poto i soim wanpela robot o masin em ol saveman long Siapan (Japan) i mekim. Pes na han lek bilong em i olsem ol man tru, tasol em i masin ya. Dispela masin o robot inap long opim maus na ai bilong em bihainim stret ol pes bilong ol manmeri. Ol mansave i mekim em i kamap olsem tru wanpela meri Siapan yet. *(AP Poto i kam long AAP Images/Koji Sasahara)*

YUMIFM Radio Program

Program bilong Wanwan De - Mande - Fraide

- 6am - 10am - Sankamap show - Host: KAS.T
6:15am - Komuniti Notis Bod
6:30am - Nius Hetlains / Bondei greetings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Stori b'long Skelim Tingting
8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta

- 9:15am - Luksave long Komuniti (Radio Pilai)
9:30am - Trukai Rais - GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukatim yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde / Fonde) TOKAUT TOKSTRET

- 2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - Nius - YUMIFM Nius Senta
4:10pm - FOAPELA KAM GUD LONG 4
4:30pm - Nius Hetlains
4:45pm - YUMI PAINIM WOK Segment
5:00pm - MAJOR NIUS BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR NIUS BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamaip sho
6:45pm - Komuniti Notis Bod
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raags / Sally / Nenge
00:00 - Early Monin Taim Cruz (ol lain brukim tulait shift)

- Musik / Request / Tok pilai
Kipim Kampani long ol nait shift
Weekend Shift - Saturday & Sunday
6:00am - 11:00am - Wilken Sanrais
6:30am - Komuniti Notis Bod - Bondei greetings
7am - 9am - Wilken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)

YUMIFM POROMAN TEAM:
Turner (KAS.T) Arifee - Team Leader / Program Director
Angra KENNEDY - Senior Announcer
Sinimil (Vavieesse) Philipo - Promotions Co ordinator
Papa Raags - Announcer Nenge Neings - Announcer
Enjo Dabix - Announcer Selestine Sally Sino - Announcer

Raun wantaim Wantok

CHM Supasaun kamap

CHM Supasaun Sanel (CHM Supersound Channel) i wokbung wantaim Hitron nau long soim nupela sanel bilong ol long televisin. Dispela nupela sanel bilong Hitron em Yumi TV.

"CHM Supasaun Sanel long Yumi TV, i soim sapot bilong

Papua Niugini musik," Produsa bilong CHM Supasaun Sanel, Stephen Rae, i tok.

Ol program bilong CHM long Yumi TV i stat long Fraide, Mas 6. Dispela ol program i save ron 7-pela nait long olgeta wik. Em i save soim musik bilong Papua Niugini na Saut

Christine Anu na ailan ples bilong em

William Natera i raitim

CHRISTINE Anu i rekotim singsing My Island Home 15 yia i go pinis. Planti manmeri long Australia i laikim dispela singsing na Anu i kisim bikpela luksave long en. Wanjela bilong ol dispela luksave em wanpela ARIA Awot bilong Nambawan Meri Rekoting Atis long yia 1995.

Nau long yia 2009, Papua Niugini (PNG) i givim luksave long Anu long dispela singsing we long Tok Pisin bai yumi tok olsem, Ailan Ples bilong Mi. Nogat. PNG i no givim Anu wanpela awot. Tasol ol manmeri long PNG i luksave long Anu na My Island Home taim bihain long em i singsing dispela singsing long Gol Klab (Gold Club) long Mosbi, ol i askim em long singsing dispela singsing gen. "Wan moa, wan moa" ol manmeri husat i stap long dispela klab long Lamana Hotel las wik Fonde long lukim so bilong Anu i singaut. Anu tu i senisim dispela singsing bilong em liklik na i singsing olsem "Now I'm down



ANU: Stail nek, stail meri.

here living in Port Moresby..." (nau mi stap long Pot Mosbi). Dispela mekim ol manmeri i long-long na singaut narakain tru.

Liklik ren we i pundaun long stat bilong nait na bihain pinis, i no kolim paia bilong ol manmeri husat i kisim askim long Hai Komis bilong Australia long PNG long go lukim so.

Anu i singsing sampela singsing bilong em yet, na sampela bilong ol narapela ovasis musikmanmeri, olsem singsing No Woman No Cry bilong Bob Marley, we ol manmeri long PNG i save laikim tru. Anu i singsing sampela singsing bilong em long tok ples bilong em yet tu.

Anu em wanpela asples meri Australia. Em bilong ol ailan bilong Torres Strait.

Table with multiple columns listing radio programs for Radio Australia Tok Pisin Program. Columns include time slots (e.g., 6AM, 7AM, 7:01PM) and program names (e.g., Stesen Op - Nius Hetlain, Musik na ol intavu).

93FM YUMIFM NATIONAL WEEKLY HIT PARADE. Includes sponsor information (DIGICEL), production details (Produced & Hosted by: KAS. T), date ending (Saturday: 21st March 2009), and a table of songs and artists.

TV GAID table listing programs and times for Monday, March 19, 2009. Includes programs like STATION OPEN, TODAY, EMTV PRIME TIME LINE UP, KIDS KONA, SHARKY'S FRIENDS, HOLLY'S HEROES, EMTV TOK SAVE, THE SHAK, EMTV NEWS UPDATE, HOT SOURCE, NATIONAL EMTV NEWS, A CURRENT AFFAIR, NEWS UPDATE - TOK PISIN, SPORTS SCENE, and CUSTOMS.

TV GAID table listing programs and times for Tuesday, March 20, 2009. Includes programs like JOYCE MEYER, TODAY, EMTV PRIME TIME LINE UP, STATION OPEN, KIDS KONA, G2G: GOT TO GO, THE KINGDOM OF PARAMITHI, SHARKY'S FRIENDS, HOLLY'S HEROES, EMTV TOK SAVE, THE SHAK, EMTV NEWS UPDATE, HOT SOURCE, NATIONAL EMTV NEWS, A CURRENT AFFAIR, NEWS UPDATE - TOK PISIN, IN MORESBY TONIGHT, FRIDAY NIGHT FOOTBALL: RABBITOHS v EELS, Wide World of Sports presents Melbourne Storm v St. George Illawarra Dragons, and FRIDAY NIGHT LATE.

TV GAID table listing programs and times for Wednesday, March 21, 2009. Includes programs like STATION OPEN, THE SHAK, BOARDING PASS, AUSTRALIA'S GREATEST ATHLETES, TOTAL RUGBY, SUPER 14: Live HURRICANES v BULLS, FISHING NORTH AUSTRALIA, SPEED MACHINE, MXTV, NATIONAL EMTV NEWS, AUSTRALIA'S FUNNIEST HOME VIDEO SHOW, EMTV TOK SAVE, YUMI LUKAUTIM MOSBI, and SUPER 14.

TV GAID table listing programs and times for Thursday, March 22, 2009. Includes programs like ELITE MUSIC ZONE, DO IT GREEN, YUMI LUKAUTIM MOSBI, SUNDAY FOOTBALL: SEA EAGLES v WARRIORS, NATIONAL EMTV NEWS, DOMESTIC BLITZ, 60 MINUTES, and EMTV TOK SAVE.

TV GAID table listing programs and times for Friday, March 23, 2009. Includes programs like ELITE MUSIC ZONE, DO IT GREEN, YUMI LUKAUTIM MOSBI, SUNDAY FOOTBALL: SEA EAGLES v WARRIORS, NATIONAL EMTV NEWS, DOMESTIC BLITZ, 60 MINUTES, and EMTV TOK SAVE.

PEN PREN



Salim i kam long:
P.O. Box 1982
Boroko, NCD
Papua New Guinea



NEM: Eric Phillip

KRISMAS: 18 (man)

ADRES: Waposaly, P.O. Box 489, Mt Hagen, SHP

SAVE LAIKIM: Pilai basketbol, soka, harim musik na raitim pas.

NEM: Luke Kamale

KRISMAS: 16 (man)

ADRES: Waposaly, P.O. Box 489, Mt Hagen, SHP

SAVE LAIKIM: Pilai basketbol, soka, harim musik, na raitim pas.

NEM: Wilson Wero

KRISMAS: 15 (man)

ADRES: Waposaly, P.O. Box 489, Mt Hagen, SHP

SAVE LAIKIM: Pilai soka, mekim pren na tok pilai.

NEM: Rubbie Ipisi

KRISMAS: 18 (meri)

ADRES: Dreikikir Primary School, P.O. Box 48, Maprik, ESP

SAVE LAIKIM: Pilai spot, harim musik, go lotu, stori na tok pilai.

NEM: Jimmy N. Nimms

KRISMAS: 18 (man)

ADRES: Kilipau Village, P.O. Box 56, Vanimo, Sandaun Province

SAVE LAIKIM: Harim musik, wok gaden na go lotu.

NEM: Rebecca Owamu

KRISMAS: 19 (meri)

ADRES: Kikori Secondary School, P.O. Box 25, Kikori, Gulf Province

SAVE LAIKIM: Harim musik, mekim haus wok na tok pilai.

NEM: Dorolyn Saun

KRISMAS: 20 (meri)

ADRES: P.O. Box 1120, ESP

SAVE LAIKIM: Pilai spot, Lukim TV, Harim musik, go lotu, mekim pren na raitim pas.

NEM: Liqa Kupso

KRISMAS: 15 (meri)

ADRES: Waposaly, P.O. Box 489, Mt Hagen, SHP

SAVE LAIKIM: Go lotu, ritim buk, pilai basketbol na raitim pas.

NEM: Yase Noko

KRISMAS: 15 (meri)

ADRES: Waposaly, P.O. Box 489, Mt Hagen, SHP

SAVE LAIKIM: Pilai basketbol, ritim buk, na raitim pas.

NEM: Margaret Mark

KRISMAS: 15 (meri)

ADRES: Waposaly, P.O. Box 489, Mt Hagen, SHP

SAVE LAIKIM: Raitim pas, mekim pren na go lotu.

Raun wantaim Kanage olgeta wik

TOK PILAI
WANTAIM
Braks Kanage



Het pen na...

Kanage sik na go long haus sik. Em i no save gut long Tok Pisin. Dokta singautim em go insait long rum. Dokta askim em, "Papa, yu i gat wanem kain sik?" Kanage tok, "Het i pen na as i kus" Dokta ting olsem em i no harim gut na em askim gen, "Papa, yu tok gen?" Kanage putim han long het na tok, "Het i pen na as i kus."

Maifo Mahn
Bialla

Spak long tingting tasol

Papa Kanage em bilong Bogia. Wanpela taim em go long lukim pikinini bilong em long Mosbi. Yu save, em namba wan taim bilong em long go kamap long taun o biktaun. I no longtaim na em lukim ol man dring bia na long long spak nabaut. Kanage tingim stap. Bihain sampela poro na wantok kam kamap long lukim em. Ol i bin kam wantaim 6 pek tin bia. Ol i sindaun na dring bia. Bia swit moa na ol go baim wanpela katen. Em nau Kanage spak na pikinini man tu spak na wokim nabaut long haus. Taim bilong em long go bek long ples, na Kanage tingting long baim tin bia na em abrus na baim 6 pek coke. Taim em kamap long ples, hariap tru em rausim tasol 6 pek bilong em na dring. Tingting bilong spak tasol na em spak long tingting. Narapela pikinini lukim



Wina bilong dispela wik
Kanage em:
Maifo Mahn - Bialla

olsem papa i no sindaun gut na em askim em, "Papa, yu spak long wanem?" Kanage tokim pikinini bilong em, "Mi spak wantaim 6 pek tin bia!" Kanage kirap na tromoi ol samting nabaut na wokim planti nois long haus. Pikinini man bilong em lukim ol tin coke na em tokim papa bilong em, "Papa, ol tin ya em coke ya. I no bia!" Kanage tok, "Yu no laik tok hariap. Wokim na mi bagarapim ol samting".

Conny Aba
POM

Glasman glasim gut

Kanage em bilong Ulau long Aitape. Wanpela taim wanpela bikman kisim em go raun long Australia. Kanage em wanpela glasman bilong ples olsem na bikman ya kisim em olsem wanpela raithan man bilong em. Taim ol kamap long ples balus, ol kisim wanpela

teksu go long hotel. Yu save hotel bilong ol waitman. Olgeta samting em wok long masin tasol. Dua bai op taim yu laik kam insait, lait bai on taim yu go insait long rum, yu toktok tasol na TV bai on. Kanage lukim ol dispela samting na em tingting planti. Kanage autim wari bilong em long bikman ya, "Mema, sindaun, slip na raun bilong yu long hia bai i no inap gutpela tumas. Mi lukim planti samting we i no stret long tingting bilong mi. Ating i mobeta yumi go bek gen long ples na painim aut husat man long ples tru bagarapim yu!"

RK
Wewak

Lek tasol, lek tasol

Kanage em wanpela kamdaman o kapenta long ples. Em i gat olgeta samting bilong wok kamda. Olgeta

taim wanpela man save kam na askim em long yusim so bilong katim palang. Wanpela taim dispela man ya kam kisim so bilong Kanage na karim go. Em i no karim dispela so kam bek inap long wanpela wik. Dispela man i bin tokim meri bilong em olsem, "Sapos Kanage kam, yu i mas tokim em olsem mi go long sampela hap". I no longtaim na Kanage wokabaut kam. Hariap tru man ya ron go hait insait long haus. Tasol tupela lek bilong hangamap ples klia. Kanage kam na askim meri bilong dispela man long em. Meri tokim em olsem dispela man i go pinis long sampela hap, na em i no klia long wanem hap em i go long en. Kanage lukim tasol tupela lek bilong man ya na em tokim meri bilong em, "Taim em kam bek, yu tokim em olsem sapos em laik go raun, em i mas tingim na karim tupela lek bilong em hangamap aninit long haus". Man ya sem nogut tru na kam givim so bilong Kanage.

Maifo Mahn
Bialla

Sapos yu i gat wanpela gutpela Kanage Tok Pilai, salim i kam long: Kanage Tok Pilai, P.O. Box 1982, Boroko NCD. O emel i kam long: atolire@wantok.com.pg na bai yu i gat sans long winim wanpela t-siot bilong Kanage!

Painim Tok!

Raitim daun wanem pani samting yu ting i gutpela insait long babol long poto...



Wina bilong dispela wik em:


Anne Karayo -

St Luke Primary School, P.O. Box 3422,
Lae, Morobe Province.

Ringim telepon namba 3252500 na askim
Allan Tolire long prais bilong yu!

Painim Tok!

Raitim daun wanem pani samting yu ting i gutpela insait long babol long poto.



Raitim daun wanem samting yu ting em pani na gutpela na salim i kam. Bai yu winim prais.

Nem.....Krismas.....

Adres.....

Yu baim pepa long we?.....

Painim Rok resis, P.O. Box 1982, Boroko, NCD.

Katim hia.....

Yes I do



A new Capuchin priest has been ordained by Bishop Steve Reichert of the Diocese of Mendi. Fr Paul Patlo OFM cap is from Pomio. His first Mass was in Kimbe where most of his family now live. He is assigned to Tari and will serve the Huli area.

We thank the Lord for the gift of Deacon Gabriel and are grateful to all the people who have assisted through their prayers and donations during the many years of preparation for the priesthood.

Bishop Gilles writes:

BROTHER Gabriel Dominic repeated with great conviction that commitment six times at the Sunday Mass in Daru on the 18th of January. And because of this he was ordained as a deacon. The people of St. Louis Marie de Montfort parish in Daru had requested that brother Gabriel be ordained deacon in their parish even though he is from Bolivip in the Mountains. Br. Gabriel spent the whole of 2008 with them in preparation for his deaconate. The people wanted to celebrate with him but most importantly to promote vocations to the priesthood.

We always say that the Kiwai people like to celebrate and know how to do it well. They were surely true to themselves as they welcomed with dances and songs all the visitors who arrived at different times during the week. The Liturgy for the deaconate was very well prepared. The church was full to capacity and there was an atmosphere of great joy. Brother Gabriel was brought forward to be ordained deacon by his sister Ruth and his brother Penuel and a few other people from Tabubil too. The litany of the Saints was beautifully sung by Lewis Siware. In the afternoon around

4pm the people assembled for food sharing. This is almost like a ceremony, indicating the friendship and unity of all who participate. Food is life for the people and in line with our Diocesan theme of "True Life" they eagerly partook of the dishes prepared so tastefully by the parishioners and friends. Dancing followed until past 12am. Melanesians 'do' friendship rather than talk about it. Dancing is such a symbolic way to show Brother Gabriel that they have taken him to their hearts. We hope that he will be ordained priest towards the end of July or early August this year.

Taim Bilong Len

Dispela tok I kam long, KATEKIS, long Mendi Daiosis

Namba wan pestode bilong yumi ol Kristen em Ista Sande. Em i winim olgeta narapela de na pestode, sios i makim long Kalenda bilong Lotu. Kirap bilong Jisas, em i as bilip bilong yumi. Santu Pol i skulim yumi olsem: "Na sapos i tru God i no bin kirapim Krai, orait dispela tok mipela i save autim, em i samting nating, na bilip bilong yupela em tu i samting nating" (1 Korin 15:14). Yumi bilip long Jisas i kirap long matmat, bikos yumi laik kirap tu wantaim em long nupela laip. Santu Pol i tok: "Long strong bilong em yet God i bin kirapim Bikpela long matmat, na em bai i kirapim yumi tu" (1 Korin 6:14). Bikos Ista em i bikpela samting tru long bilip bilong yumi, yumi mas redi gut tru long dispela bikpela pestode.

Long pasin na kastom bilong yumi, sapos yumi laik mekim moka o kilim pik o peim braitprais, pastaim yumi save makim taim bilong redim olgeta samting, bambai long de yumi bin makim, olge-

ta samting i redi i stap. Sapos yumi no tingim gut na skelim stret na i no hatwok na i no taitim bun strong long redim ples, dispela de yumi bin makim i no inap kamap.

Wankain olsem long de bilong Ista Sande. Sios i makim fopela ten de bilong taim bilong Len, bilong tingim gut na stretim na redim olgeta samting, bambai dispela bikpela de i ken kamap gut long ples na moa yet long laip bilong yumi wan wan. Wanem samting yumi mas redim? Bai yumi mekim wanem samting long dispela taim?

Taim bilong Len, em taim bilong skelim na glasim laip bilong yumi. Em taim bilong painimaut: yumi stap klostu long God o yumi lusim em pinis bikos long sin? Yumi fit long kirap gen na kisim laip bilong oltaim o nogat? Em taim bilong lukluk gut long pasin bilong yumi na painimanut: yumi stap we na wanem rot yumi save bihainim long laip. Yumi gat fopela ten de bilong painim ansa long ol dispela askim! Profet Joel i tok: "Maski long brukim nating ol klos bilong

yupela, bilong makim sori bilong yupela. Long bel bilong yupela yet yupela i mas sori tru long ol sin" (Joel 2:13). Em nau! Wok bilong senisim laip na kam bek long God i mas kamap insait long bel na tingting bilong yumi. Bikos, wanem samting i stap insait long bel, em pasin bilong yumi bai soim long ples klia. Baibel na Sios i skulim yumi long tripela samting i ken helpim tingting na bilip bilong yumi long taim bilong Len: wok penans, wok marimari na pasin bilong tambuim kaikai o narapela samting. Sapos yu ting em i no isi, orait, tingim Jisas husat i karim diwai kros bilong kisim bek yumi! Em i karim pen na i dai, ol i planim em, tasol em i win na i kirap bek. Long taim bilong Len, yumi mas joinim Jisas long dispela rot em i bin makim, bai yumi tu i ken dai long olupela bel na olupela pasin na kirap wantaim em long nupela laip. "God, yu wokim nupela klinpela bel insait long mi. Putim nupela spirit insait long mi na bai mi bihainim yu tasol" (Sng 51; 10).

Pre bilong tingim pen na dai bilong Jisas

Bikpela Jisas, long gaden Getsemani yu nildaun na yu pre. Yu tingim ol rong bilong mipela. Yu ting long rot, God Papa i bin makim bilong stretim ol dispela rong.

Yu tingim pen na dai i laik kamap long diwai kros, na yu guria na yu pret. Tuhat bilong yu i kamap olsem blut. Tasol yu no surik.

Yu bihainim laik bilong Papa.

Bikpela Jisas, ol i pasim yu long

pos na ol i paitim yu. Blut bilong yu i ran i go daun long graun. Ol i raunim het bilong yu long rop i gat nil. Ol i pasim ai bilong yu. Ol i spet long yu na paitim het bilong yu. Ol i lap nogut long pen bilong yu. Tasol yu no bekim rong bilong ol.

Bikpela Jisas, yu karim diwai kros. Antap long maunten Golgota ol i nilim yu long em. Inap long tripela aua yu hangamap long en. Bodi bilong yu olgeta i pen tumas.

Yu wari tru long ol manmeri i givim baksait long yu. Yu ting long ol i no laik i kam long yu, bai yu ken oraitim ol. Yu ting long ol i bel nogut long yu na long God Papa.

Yu pre long Papa, bai em i marimari long mipela olgeta. Yu wanpela tasol, yu stretim ol rong bilong mipela long pen na dai bilong yu.

Amen.



Brother Chris Drua from the Simbu, Fr Bill Fay Superior, and Brothers Nobert Kawai and Barnabas Alu both from West New Britain just after they made their final professions as Capuchins in the chapel of St Fidelis Seminary in Madang.

Soka na musik, bun bilong Solomon Ailans



SOKA EM LAIP: Ol manmeri i sindaun long lukim wanpela bikpela soka pilai long Lawson Tama Stadium. (Liklik foto) KOSSAFC bilong Solomon Ailans redi long pilai wantaim Tafea bilong Vanuatu long O' Lig resis.

Bustin Anzu i raitim

TUPELA samting long kantri Solomon Ailans (Solomon Islands) i save bungim ol manmeri. Dispela tupela samting em soka na musik. Ol narapela samting save kam bihain. Soka i no save lusim musik na musik i no save lusim soka. Oltaim tupela i save poroman. Dispela i no giman toktok. Ol turis na ol narapela manmeri husat i save go long dispela kantri, bai tokim yu olsem dispela tok em i tru.

Sampela yia i go pinis, bikpela hevi i kamap long Solomon Ailans. Dispela hevi i kamapim kros na bel hevi namel long planti manmeri long hap. Soka na musik tasol i daunim dispela kros na bel hevi, na bung na strongim Solomon Ailans olsem wanpela kantri gen.

Sapos i gat wanpela bikpela pilai soka i kamap, planti manmeri bai go na lukim dispela pilai. Ples pilai bai pulap olsem wanpela tim bilong narapela kantri i kam pilai. Tasol nogat. Em ol yet tasol. Wankain long musik. Sapos wanpela pawa ben bilong ol yet i pilai, ol manmeri bai pulap long dispela hap.

Sapos tupela pilai i kamap long wanpela de long tupela hap, em sampela ol manmeri bai go long soka, na sampela manmeri i go long lukim musik so. Tasol namba bilong ol manmeri long tupela hap bai wankain tasol. Wanpela i no inap winim arapela.

Taim soka pilai o musik so i kamap, ol manmeri husat i holim ol bikpela na liklik wok wantaim, olgeta bai bung long lukim.

Solomon Ailans i bin kisim independens long Briten (Britain) long yia 1978, tripela yia bihain long Papua Niugini (PNG) i kisim independens bilong em long Australia. Tasol i no Briten. tasol i painim (discovered) Solomon Ailans. Nogat. Ol narapela kantri bilong Yurop (Europe) tu olsem, Spen (Spain), Portugal (Portugal) na Itali (Italy), i bin painim ol narapela ailan bilong Solomon Islands tu. Solomon Ailans i gat planti hap ailan, na ol dispela ailan i gat ol nem bilong ol manmeri husat i painim ol dispela kantri.

Taim ol dispela manmeri i bin painim ol dispela ailan, ol i bin kisim i kam wantaim ol dispela gem bilong ol soka, na kain kain musik bilong ol. Bihain long Wol Woa 2, Briten i bin i stap na bosim Solomon Ailans. Ol Briten i bin strongim dispela gem soka na ol kain kain musik bilong en long hap, na taim ol i bin givim independens long Solomon Ailans, soka na musik i bin stap strong insait long dispela yangpela kantri.

Em klostu 31 yia i go pinis. Tasol tude, soka na musik i stap strong yet.

Ol liklik pikinini, ol yangpela na lapun manmeri, olgeta i save long kik soka. Tru i gat ol narapela pilai olsem ragbi union, basketbol na netbol, tasol soka em nambawan pilai long wanem olgeta manmeri i save pilai na

lukim. Long olgeta ailan, soka i mas i stap. Em kaikai ya.

Olsem tasol long musik. Planti manmeri i laikim, na kain stail we ol i wok long bihainim em ol dispela bilong Bob Marley, Lucky Dube na Oyaba - musik bilong Karibien (Caribbean). Ol i laikim tu ol musik bilong Pasifik, olsem bilong ol ben na musikmanmeri bilong PNG olsem Barike, Painim Wok, Haus Boi, Patti Potts Doi, Leonard Kania, Basil Greg, Robert Oeka, O-Shen, na papa bilong Painim Wok ben, Se George Telek Mamua.

Ol singsing bilong ol dispela lain i save pairap strong long ol redio stesin bilong Solomon Ailans. I no longtaim i go pinis, singsing bilong nupela PNG ben Skwatas i bin wanpela bilong ol. Ol manmeri i no save isi long kisim wara taim ol i harim dispela singsing 'Take me to Paradise'.

Em wankain tasol olsem ol i no save isi long singaut na amamas taim ol i lukim ol soka gem bilong Briten long ol televisin (TV). Ol TV stesin olsem Network Australia, ABC na BBC i save soim ol dispela gem na ol manmeri long hap i save kurakum raunim ol TV long lukim. Olsem PNG na Nesenel Ragbi Lig (NRL) resis long Australia, ol pikinini long Solomon Ailans i save long nem na namba bilong olgeta pilai long wanem tim ol i save sapotim.

Ol tim bilong Briten olsem Manchester United, Liverpool na Everton, i stap long het bilong ol dispela pikini-

ni, ol i no inap lus tingting long ol. Olsem tasol, ol lapun manmeri long Solomon Ailans i laikim ol musik bilong bipo yet tu, na i no ol reggae na hip hop bilong nau. Dispela i bin kamap ples klia taim ol lapun i bin pulap long wanpela so bilong man bilong singsing kantri na western musik bilong Australia, John Williamson. Williamson i bin pilai las yia long Honiara, biktaun bilong kantri. Em i pilai olsem narapela biknem kantri western musikman bilong Australia, Slim Dusty, i save pilai long ol haus bia bilong Australia long ol yia bilong 1970 na 1980. Narapela lapun bilong musik long PNG, Se George Telek Mamua, tu, i bin pilai long Solomon Ailans long 2004, na ol lapun na yangpela manmeri wantaim long kantri i amamas long lukim nus pes bilong man ol i save harim nem na nek bilong em tasol.

Williamson i bin go pilai long Solomon Ailans aninit long wanpela program bilong RAMSI, han bilong Gavman bilong Australia husat i wok long Solomon Ailans. Dispela program em Rijenel Asistens Misin i go long Solomon Ailans (RAMSI) i save kolim FACE raun (tour), na sampela ben na manmeri bilong Australia husat i pilai long kantri pinis aninit long dispela program insait long ol 5-pela yia i go pinis em Yothu Yindi na James Blundell. Taim ol dispela ben i save go pilai long hap, ol lokol ben olsem Lite Life, Wantoks, Paiva, Litol Rastas, Sharzy na Saba i save pilai wantaim ol. Dispela i save pulim planti manmeri long wanem ol i save laikim ol ovasis ben, tasol ol i save laikim tru ol ben bilong ol yet tu. RAMSI em han we Gavman bilong Australia i go pas long en long helpim ol wok stretim long Solomon Ailans bihain long bikpela hevi i kamap long hap.

Olsem RAMSI i luksave olsem musik i save bungim ol manmeri long Solomon Ailans yet na wantaim ol narapela kantri, Solomon Ailans Futbol Federesen (SIFF) i luksave olsem soka i save mekim wankain. 'Brasil (Brazil) bilong Pasifik', em wanpela nem Solomon Ailans i gat, long wanem, olsem kantri Brazil, olgeta hauslain i save long pilai soka. SIFF i save kisim planti helpim long Osenia Futbol Konfederesen (OFC) na Federesen bilong Intanesenel Futbol Asosiesen (FIFA) long strongim wok bilong soka long kantri,

na maski ol i liklik kantri insait long Pasifik, soka i save kisim ol i go long ol bikpela resis na pilai aninit long OFC o FIFA. I no soka stret tasol, tasol soka long nambis (beach soccer) na futso! tu.

SIFF i save salim ol junia olsem ol anda 9-12, husat i stap insait long futso! i go pilai long Australia, Fiji, PNG na Vanuatu. Ol soka bodi long Pasifik na wol i save kisim ol SIFF referi long lukautim sampela pilai long Pasifik olsem OFC bilong ol meri. Nau yet, sampela man husat i save pilai soka gut, i pilai long ol kantri olsem PNG, Nu Silan (New Zealand) na Australia. Ol nem olsem Benjamin Totori, Commins Menapi (Nu Silan), Henry Fa'arodo Junia (Australia), Benjamin Lela, Abraham Inaga na Joachim Waroi (PNG), em sampela hanmak bilong soka bilong Solomon Ailans. Ol manmeri bilong Solomon Ailans i save givim bikpela luksave long ol dispela man.

Taim ol Nu Silan Waitakere i go pilai wantaim Kossa long Honiara long 2007, planti manmeri i go long lukim dispela pilai. Ol i no go long lukim tim bilong ol (Kossa) tasol i win, tasol long lukim Totori na Menapi husat i pilai wantaim Waitakere i soim stail bilong ol tu. Ol manmeri i amamas long pilai bilong tupela, tasol taim ol Kossa i win 3-1, ol manmeri danis wail wail.

Ol manmeri i bin mekimsave long danis tu taim CHM Supasaun (CHM Supersound) ben bilong PNG i go pilai long Lawson Tama Stadium sampela yia i go pinis. Ol i bin tromoi lek narakain tu taim switpela nek bilong Vanessa Quai bilong Vanuatu i pulim ol i go long so bilong em long yia 2006. Long yia 2005 taim Ben Hakalitz, pastaim man bilong pilai drama long PNG ben Tambaran Kalsa i bin go pilai long Solomon Ailans wantaim ben bilong Australia, Yothu Yindi, ol manmeri husat i bin pulap kapsait long dispela so i ting dispela rastaman em wanpela asples Australia. Taim ol i painim aut olsem em i mangi PNG, ol i no rausim ai long em taim em i pilai.

Olsem ol manmeri i pulapim dispela so long danis na amamas, ol manmeri i save pulapim tu ol pilai graun klostu long Prins Phillip Haive long lukim soka. Soka na musik. Tupela samting we i bungim na holim strong kantri. Soka na musik, bun bilong Solomon Ailans.



NAMBA STRET: Lite Life Ben i pilai long wanpela so long Honiara. Ol Foto: Bustin Anzu

Manus musik i kam bek

MUSIK bilong ples Manus, em bipo tru i bin strong, tasol bihain em i bin slek liklik. Nau, wanpela man i go pas long kirapim bek strong bilong Manus musik bai em inap pairap gen.

Ol kain kain musik stail na masin tude nau i wok long daunim kraik bilong kulele ol i painim bihainim stail bilong Manus yet, olsem ol bipo musik grup olsem Posus stringben na ol Manus musikman olsem Kisapai Kutana Navigators ben bilong em long 1990s.

Nau Manus i wok karim bikpela salens tru long kamapim ol hit singsing olsem ol singsing bilong provins i bin mekim nem bipo. Ol dispela singsing olsem Asua Blong Yu Yet, Mama Yu Stap We, Chako Chako na Santu Teresia.

Ol dispela singsing i bin soim tru strong bilong musik i kam long Manus ailan.

Nau yet i gat wanpela grup i wok long karim nem bilong Manus musik, na em Hausboi i save stap wok long Lae.

Tasol mi yet mi ting olsem musik bilong Manus i bin dai taim Peter Pomahun i lusim gita bilong em bihain long em is el i go long misin bot, Santu Teresia.

Nau, man mi ting bai kamap olsem King Chauka i bin opim Ailans musik studio long Lorengau long kirapim bek strong na stail bilong Manus musik.

Rodney Pokapin em dispela man. Em i gat tingting long kirapim bek musik wankain olsem bilong Posus Stringben, Navigators, Chako Chako, Peter Pomahun, Hausboi na ol arapela musik manmeri bilong Manus.

Na mi ting olsem Rodney i mekim samting stret taim em i opim studio wantaim namba wan solo albam bilong Kisapai Kutana, bipo lid singa man bilong Navigators.

Em i klostu aipas olgeta, na nau em i sanap olsem LLG Kaunsol presiden bilong Pobum, taim em i bin go solo wantaim albam bilong em Lapun na Wip Yet.

Rodney i bin bilip olsem dispela albam bai strongim nem bilong Kisapai na opim dua bilong ol kain kain nupela stail bilong Manus musik tu.

Navigators i bin autim albam bilong ol Dre Amo Kichamul wantaim Kalang Studios wantaim ol singsing Harim Kraik Blong Mi, Asua Blong Yu Yet, na Mama Yu Stap We.

Sampela ol dispela singsing i



Briten, Francis Bata na Lawrence. Tupela i wok tisa long Manus. I gat tupela ben bilong Is Sepik tu i bin rekod.

Ailans Musik Studios i bin mekim olgeta wok bilong mas-tering na katim ol kaset na CD.

Pokapin i bin stat bungim ol masin bilong rekodim na katim musik long intanet. Em i wok baim olgeta ol masin bilong em long intanet tasol.

Long 2002, Rodney i wok strong yet. Em i sanapim wan-

strongim Ailans Musik Studio tru.

"Maski mipela i stap mipela yet namel long solwara Bismak, i gat planti ol save-manmeri long musik i stap hia, na mi bilip Ailans Music Studio i sindaun antap long gol main," Rodney i tok. "Na i no planti yia bail us na mipela bai bringim bek Manus musik i go antap tru long namba wan."

Prins bilong PNG Rabadab musik, Anslom, i tokim mi tu olsem Rodney i wok go het tru long strongim nem bilong Manus musik.

"Bihain long em i rilisim Lapun Na Wip Yet albam bilong Kisapai Kutana, Rodney i no sindaun nating. Em i wok strongim yet musik bilong Manus."

Nau tasol, Anslom i pinisim raun bilong em i go pilai long Rabaul na Kokopo. Em i wok promotim albam bilong em Radaaz.

Em i tok em i wok long helpim Rodney wantaim musik wok bilong em, olsem ol albam bilong John Wong, solo albam bilong Rodney yet, wanpela debu albam bilong brata bilong em Joel, na wanpela albam em i rekodim wantaim Barike ben, em Kabu Rita, Donald Lessy, Glen Low na pikinini bilong em Juan Low.

Sampela wik i go pinis, Barike i bin raun i go pilai long Manus long traim rekodim wanpela albam long hap, na Rodney i no tokaut yet long en.

"I gat planti musik masin tru long Manus ailan, na i gat planti savemanmeri long musik i stap," Anslom i tok. "Ating i gat inap musik man long Manus long inapim ol pis ol i save salim long Lorengau maket."

Na taim em i wok rilisim ol albam long Manus na NGI, Rodney i wok long toktok wantaim CHM Supersounds, Spaida Trakz na Quakes Productions long salim musik bilong em.



HAUSBOI: Musik bilong ol i kam wantaim stail tru. Manus ben, Hausboi long 10 Dollar Nambis long Honiara, wantaim Radlee Laviamat (hap Manus) wantaim gras tanim tanim bilong Twin Tribe. *Poto: Hausboi*

wok pairap yet long NBC na FM 100. Dispela wanpela albam i bin strongim Manus long tingting bilong Papua Niugini.

Kisapai i bin strongim nem bilong em yet tut aim tripela singsing bilong em i bin sut i go antap long PNG Top 20 musik so.

Long dispela taim, Rodney wok long pinisim rekoding bilong sampela ol arapela ben, olsem tupela solo albam bilong tupela hai skul tisa bilong Is Nu

Em i mekim olgeta wok bilong disainim ol albam kava na salim i go aut long Niugini Ailans.

Mi no save, ating mi rong long tok em i 'King Chauka', long wanem mama bilong em bilong ples Navunaram na papa em Tamat. Ating em i no ful, laka. Em i orait, Rodney i wok mekim samting stret long kirapim bek musik bilong Manus.

Em i no save stori tumas, tasol long 2001, Rodney

pela liklik haus baksait long haus bilong papa bilong em long Lorengau. Em i raunim kantri long sekim gut ol arapela studio na i bin kisim planti gutpela stia long Thomas Lulungan bilong Islands Sound Studios long Kokopo, Patti Doi bilong Quakes Productions and John Wong, husat i bin wok wantaim Vamanga Studios long Pot Mosbi.

Rodney yet i bin tokim mi olsem ol stia tok em i kisim long ol biknem PNG atis i bin

Yu ken ritim dispela stori long Tok Inglis insait long The National tasol olgeta Mande.

Gavman redi long strongim ikonomi

Paul Zuvani i raitim

GAVMAN i redi long strongim ikonomi long dispela taim bilong hevi bilong mani.

Na Gros Domestik Prodak bilong kantri maski long dispela taim bilong hevi bilong mani long wol bai gro long 7 pesen Gros Domestik Prodak (GDP).

Gavman bai strong ikonomi long nau na i go taim em i bihainim tupela rot.

Namba wan rot em gavman i daunim pinis kos bilong mekim ol samting long 2009 Mani Plen o baset bilong em na bai yusim mani i stap long tras akaun long sapotim Mani Plen bilong em.

Namba tu hap em gavman bai bihainim Papua Niugini (PNG) Australia Patnasip

Developmen Program we i kamap namel long Praim Minista Gren Sif, Se Michael Somare, na Praim Minista bilong Australia, Kevin Rudd long 2008.

Dispela em tok bilong Minista bilong Fainens na Tresari na Memba bilong Aitape Lumi, Patrick Pruaitch, long taim em i givim ripot long stap bilong ikonomi long palamen kibung long dispela wik.

Em i tok bikipela hevi bilong mani i wok long kisim ol kantri long wol we planti manmeri i lusim wok, nogat mani na kaikai long sapotim ol.

Tasol long taim dispela i wok long kamap, stap bilong ikonomi bilong PNG i gutpela, em i tok,

"Gavman bai bihainim Midium Tem Piskol

Strateji- 2008 i go inap long 2012- long em i mas lukautim na yusim gut mani.

"Tasol dispela em i no olsem em bai sot long kamapim ol wok bilong em. Nogat.

"Bikos em i sevim gut mani long ol tras akaun long gutpela taim, nau em bai yusim dispela mani long sapotim wok bilong em," Mista Pruaitch i tok.

Em i tok gutpela nius tu long wanem rikaren ekspenditsa (mani gavman i plen pinis long yusim) i go antap nau long K3904.5 milion we pastaim long dispela i bin stap long K265.3 milion. Na dispela em i mekim 7.3 pesen senis.

Na developmen baset i go antap long K2595.2 milion we pastaim i bin stap long K720.6 milion.

Em i tok dispela mani bilong developmen i bilong strongim wok bilong agrikalsa, infrastraksa mentenens, helt na edukesen.

GDP bai gro long foa (4) pesen we gavman bai yusim inap olsem K844 milion long pablik samting.

Mista Pruaitch i tok hevi

bilong mani i kisim prais bilong wel na agrikalsa tasol i no kamap long prais bilong gol. Prais bilong gol i sanap strong yet.



TRAIM: SP Brewery, kampani i save mekim SP bia, i mekim wanpela promosen bilong winim dispela kar. Sapos yu go baim SP Laga bia bilong ol bai yu i gat sans long winim dispela kar. SP na Ford i wok wantaim long kamapim dispela resis, na i gat 4-pela dispela kar long winim. Wanwan bilong Niugini Ailans, Sauten, Momase na Hailans. Dro bai kamap long pinis bilong dispela mun. *Poto: Nicky Bernard*

Kantri Teki laik wok long PNG

Paul Zuvani i raitim

KANTRI Teki (Turkey) i soim laik long mekim wok pinis long Papua Niugini (PNG).

Na ol bisnismanmeri bilong em bai sainim ol tok bilong wokbung wantaim ol bisnismanmeri bilong PNG long liklik taim bihain.

Dispela em tok bilong Minista bilong Komes na Indastri na Memba bilong Maprik, Gabriel Kapris, long taim PNG Invesmen Promosen Atoriti i bung wantaim bisnis grup bilong Teki long Mosbi long dispela wik.

Long dispela bung Mista Kapris i toksave long grup bilong Teki olsem PNG i wok long go long gutpela taim na planti long gutpela samting bai i kam yet.

Em i tok long taim wol

i wok long bungim hevi bilong mani, PNG i ron gut na olsem gavman i redi long sapotim wok na developmen bilong kantri.

Mista Kapris tok em i amamas long wokabaut bilong ol bisnismanmeri bilong Teki long kam na i tok gavman i redi long wok wantaim ol taim ol i sainim ol tok orait bilong wokbung wantaim.

Em i tok Teki i stap long hap we wanpela hap bilong em i pas wantaim Esia (Asia) na narapela hap i pas wantaim Yurop (Europe) na dispela i gutpela tru long PNG i wokbung wantaim em.

Mista Kapris i bin bung wantaim dispela grup long Mosbi long Mas 14.

Em i askim tu ol bisnis long PNG long ol i opim han na kisim ol


bisnis long Teki na wok wantaim ol.

Long dispela kibung tu wanwan ol bisnis i bin kisim taim na toktok wantaim narapela na arapela.

Menesing Dairketa bilong Invesmen Promosen Atoriti, Ivan Pomaleu, i strongim tingting bilong ol investa na i tok gavman i gat ol plen pinis long strongim wok bilong daunstrim prosesing.

Em i tok PNG i save sainim ol tred rilesen tok orait we bihain long dispela tupela kantri i ken baim na salim ol samting we narapela na arapela i mekim.

"PNG i save laikim invesmen we ol samting bilong maket i mas gutpela na bihainim wol standet na bihainim stretpela sistem," Mista Pomaleu i tok.



KON GEN

KISIM STRONG LONG MAKET: Vall Vegota (raithan na sindaun) wantaim meri bilong em Adoide bilong Okapa, Isten Hailans provins, i save kisim strong long kon maket we ol i mekim bipo long get bilong haus palamen long kisim mani na sapotim famili bilong ol long siti. *Poto: Paul Zuvani*



BANK OF PAPUA NEW GUINEA

**KINA FACILITY RATE (KFR)
FOR MARCH 2009**

The Public is advised that the Kina Facility Rate (KFR) for the month of March 2009 will remain unchanged at 8.00 percent.

**L. Wilson Kamit, CBE
Governor**

Rais mil i go long moa ol provins

Bustin Anzu i raitim

OL RAIS fama long Madang provins, Is Sepik provins na Hailans rijen bai i gat sans long milim rais bilong ol, samting we ol i no inap wokim pastaim.

Tim Lida bilong Taiwan Teknikel Misin (TTM) long Papua Niugini (PNG), William Cahu-Hung Tseng, i mekim dispela toktok bihain long pasim wanpela wan wik bung bilong ol famas long piksim ol rais mil long Erap stesin long las wik.

Mista Tseng, i tok ol bai skruim dispela wok bilong helpim i go long olgeta fama long Madang na Is Sepik na Hailans.

Mista Tseng i tok ol fama long narapela hap provins i wok long kros long wanem, ol i nogat masin o rais mil long eria bilong ol. Na sampela taim, rais bilong ol i save stap nating na bagarap.

Em i tok ol i bin kamap wantaim dispela tingting bihain long harim singaut bilong planti ol fama husat i tok olsem ol rais mil long stua em kost K20, 000 na dispela mani em traipela tuma we ol i no inap long baim long milim rais.

TTM i bin mekim wankain pasin, long karim rais mil raun insait long Morobe provins long helpim ol rais fama taim ol i bel hevi tu long wanem ol i nogat rais mil.

TTM i bin traim traim dispela rais mil masin na rot, stat long Bubia long

10-Mail na go long Situm. Dispela masin i ken milim 2.5 ton rais insait long wanpela awa.

TTM i sasim ol rais fama 30 toea long wanwan kilo na dispela mani em bai ol i yusim long mekim wok stretim long masin.

Dispela trening em wanpela Nu Silan Aid (NZA) ejensi, Bris-Kanda grup i ronim wantaim helpim bilong wanpela voluntia bilong Siapan Intanesenel Koporesen Ejensi (Japan International Corporation Agency o JICA).

Long dispela trening, ol i lainim tu wok bilong lukautim pis insait long ol pis pon.

JICA voluntia Noboru Iwano i tok ol i bin kamapim dispela trening bihain long mekim wok painim aut olsem sampela rais fama i gat rais mil tasol ol i no save long lukautim na piksim taim em i bagarap.

Mista Iwano i tok planti rais mil bilong ol manmeri long ples i bagarap tasol ol i no inap long baim spe pats long wanem, em i traipela mani tuma.

Em i tok wantaim sapot bilong Bris-Kanda, 20 fama i bin go long dispela trening, long wanem, ol i bin kisim sampela save long planim rais tasol ol i no save long stretim rais mil taim em i bagarap.

Dispela skul ol i bin kisim, em bai ol i go bek long hauslain bilong ol na skulim ol narapela manmeri long lukautim rais mil bilong ol.

Kopra binatang i kamapim wari long ol bisnisman

OL BINATANG bilong kopra nau i wok long bagarapim ol kaikai ol i salim long stua long Buka long Bogenvil.

Ripot i tok olsem ol binatang bilong kopra, i save kaikai na katim ol paket rais, flaua, bisket long ol stua na

kamapim hetpen stret long ol papa bilong ol stua.

Nark Aisah, husat i wok em yet long daunim ol dispela binatang long Bogenvil i bin tok ol dispela binatang i liklik, tasol nau i stap pinis long planti hap.

Em i tok ol dispela binatang ol i save painim ol long drai kokanas na ol i ken bagarapim ol kaikai.

Nesenel Agrikalsa na Kworantin Inspeksen Atoriti i bin tok, marasin bilong kilim ol binatang ol i mas spreim ausait

long ol haus kopra long stopim ol binatang long go insait long ol kopra haus.

Em i tok nokèn spreim kopra long wanem dispela marasin bai inap long bagarapim na bai mekim em i nogut long salim.

PINAT NA KON?



Taim bilong ren na sampela hap bilong kantri i kisim taim long dispela ren, Mosbi tu ren i pundaun klostu tupela Mun nau, ol manmeri long settelmen i wokim garden na planim ol kon na pinat, i kisim kaikai bilong em na salim raun long ol rot bilong Mosbi. Piksa ya i soim Hegnes bilong Simbo i kisim ol pinat bilong em na kam salim long fran bilong wanpela stoa long Boroko insait long bikpela siti bilong yumi Pot Mosbi. *Poto Nicky Bernard*

Nupela kain kon

Bustin Anzu i raitim

OL MANMERI husat i save laik long kaikai kon, i mas amamas long wanem i gat wanpela nupela kain kon i stap pinis long kantri.

Dispela nupela kon em bai gro gut long wanem, em fit stret long kain graun bilong Papua Niugini (PNG).

Man husat i go pas long mekim wok painim aut na kamapim dispela kon na Tim Lida bilong Taiwan Teknikel Misin (Taiwan Technical Mission) o TTM, William Chao-Hung Tseng, i tok dispela kon em nupela kain kon we ol i wokim ol tes long en pinis.

Dispela kon em ol i kolim long Taiwan Netiv Wan (Taiwan Native One) o TN1 na ol i planim long Erap.

TTM i gat tingting o plen long saplain dispela kon sid long Momase rijen long taim bihain.

Sapos ol fama long ples i laik kisim na planim, ol i ken kisim sid long opis bilong Dipatmen bilong Agrikalsa na Laipstok.

Ol kon insait long kantri nau i wok long sot yet long wanem, planti lain i wok long laikim long kaikai. Na dispela nupela kon bai strongim namba bilong kon long i go antap gen na bai mekim ol lain bai i gat inap long kaikai.

Westen provins kisim skul long yusim gut prut bilong PNG



Wanpela fama bilong Dimir viles (Iephan) na Ginoi Waina bilong DAL Saut Flai i traim sigirapim na wasim painapol jus. *Ol Poto: NARI*

TAIM yumi save kisim ol prut long gaden o bus, em bilong kaikai nating, o kaikai bihain long yumi kukim long paia.

Tasol nau, i gat save i wok go aut long we bilong yusim gut ol prut bilong yumi long mekim ol arapela samting tu.

Ol prut fama long Westen provins i gat save nau long mekim jus na ol jam long painapol.

Nesenel Agrikalsa Rises Insitut i karimaut dispela trening long prosesim kaikai we i bin kamap long Daru.

Tripela ten prut fama long Dimiri eria bilong Mohet LIG, Saut Flai distrik i bin sindaun long dispela tupela de trening we wanpela Fud Teknolojis, em Isidora Ramita i bin go pas long en.

James Ernest bilong NARI Laloki, na Ginoi Waina bilong DAL long

Saut Flai distrik, i bin go pas long trening tu.

Mista Ernest i tok wok bilong prosesim ol prut na kumu i wok long kamap strong long sampela hap long kantri. Tasol taim ol i wok rausim long graun na karim i go long maket, planti prut na kumu i save bagarap.

Em i tok, planti taim, ol lain i save groim na salim ol prut i nogat save long prosesim na lukautim i go stap longpela taim.

NARI i bin luksave long dispela hevi long ol prut i wok bagarap planti.

Bihain long ol i luksave long dispela hevi, ol i kamapim dispela woksop.

Ol fama i lainim long mekim jus na jem long painapol. Em i tok wanpela long ol bikpela wok long projek em long skulim ol fama long save long prosesim ol kaikai olsem.



OLSEM: Isidora Ramita bilong NARI em i wanpela trena husat i soim jem em i mekim long painapol.

Ol klab pulim taim bilong Lae Ragbi Lig

Bustin Anzu i raitim

LAE Ragbi Lig (LRL) bai statim 2009 sisen bilong en long dispela wiken. Eksekutiv Opisa bilong LRL, David Atua, i tok ol inap long pilaim pri-sisen las wiken tasol olgeta klab i no stretim gut rejistresen fi bilong ol pilai wantaim ol teknikel opisel. Long dispela as ol i surikim stat bilong sisen i kam long dispela wik. Nau pri-sisen bai kisim tupela wik tasol long wanem narapela wik em ol i abrusim pinis. Atua i tok. Em i givim tok lukaut

long olgeta klab opisel long stretim ol dispela pepa bilong rejistaim na kisim i go long em kwiktaim na ol bai stretim ol yet long pilai. Sapos ol i no stretim hariap, em bai ol i no inap pilai hariap. Long wankain nius, tupela klab we LRL i givim toksave i kam bek wantaim afiliesen fi bilong ol. Dispela tupela klab em Zuli Scientific Brothers na Tent City Rangers. Tupela tim wantaim i bin baim afiliesen fi na kisim risit pepa i go long opis bilong Lae ragbi lig. Nau bai 10-pela klab

nau bai ron gen insait long dispela yia. Wankain nupela klab long Mails husat i gat tingting long ron insait long LRL resis bai no inap ron. Atua i tok bikpela hevi long pri-sisen na rot bilong rejistaim ol klab em ol man na meri husat i go pas long ronim ol klab i no mekim wok bilong ol hariap. Sapos ol i mekim wok bilong ol long taim, em bai ol i nap long statim dispela ron bilong ol long taim na nau ol inap stap long namel bilong pri-sisen na sisen propa bai stat klostu.

Hunt i no stap gut

I GAT bilip olsem Karmichael Hunt i no amamas tumas long stap long Brisbane Broncos nau na ol i gat tingting long salim em i go pilai ragbi yunion bipo em i ken kam bek gen long ol. Sif Eksekutiv Opisa bilong Broncos, Bruno Cullen, i tok long ol nius ripot dispela wik olsem em i no-gat bilip nau long holim Hunt i stap moa wantaim klab. Cullen i bilip tingting bilong Hunt i no stret tumas nau yet olsem na klab bai amamas long lusim em i go pilai ragbi yunion long Siapan (Japan) long stretim tingting bilong em bipo em i ken kam bek gen long ol. "Em i kamap olsem wankain hevi long klab nau na mipela i no inap

long wetim em," Cullen i tok. Dispela i lukim klab i rausim bek wankain tripela yia kontrak bilong ol wantaim Hunt we bai nap olsem Aus\$1.2 milion. Hunt, husat i gat 22 krismas i stat pilai wantaim Broncos taim em i gat 17 krismas yet na i tok em i no laik go long narapela tim. Tasol Cullen i bilip Hunt i laik go pilai liklik pastaim long ragbi yunion long Yurop (Europe) o Siapan. Hevi stap long tingting bilong Hunt nau em long las yia taim ol wok painimaut bilong polis i kamap long em na narapela tupela wankain, Sam Thaiday na Darius Boyd long sampela bikhet pasin. "Mi lukim olsem em i no wankain man bihain long dispela hevi. Ting-


ing bilong em i no stret olsem na mi ting olsem em bai gutpela sapos em i lusim Brisbane pastaim. "Em i tokim mipela olsem em i no-gat hevi wantaim klab na i no laik pilai wantaim narapela NRL (Nesanel Ragbi Lig) klab tasol em i amamas long dispela tingting mipela i givim long em," Cullen i tok. Tupela klab we i lukluk long kisim em i go pilai long Siapan nau em Kobe na Suntory. Bipo kosa bilong Australia ragbi yunion tim, Eddie Johns i soim laik long kisim Hunt i go pilai wantaim klab bilong em, Suntory. Cullen i tok Hunt i ken kam bek long Broncos bihain long wankain o tupela yia taim tingting bilong em i stret gen.

Yia bilong harim tok

Bustin Anzu i raitim

LAE Futbol Asosiasien (LFA) bai no inap isi long ol opisel, pilaia na sapota long dispela yia. Las yia long ol fainol, LFA i bin bungim planti hevi na ol fainol i no ron gut. Olsem na ol eksekutiv bilong LFA bai mekimsave long ol lain husat no harim tok nau na mekim ol pasin olsem dring bia insait long LFA pilai graun. "Sapos ol i laik long go long sampela hap na dring long wanem dispela yia, mipela i laik ron ol gem gut," Jenerel Sekreteri Eric Niwo i tok. Em i tok olsem long taim bilong gren fainol long las yia, ol fainol i no ron gut long wanem long pasin bilong dring. Niwo i tok LFA em wankain bikpela senta long kantri we i bin kamapim planti ol gutpela soka pilaia na ol i mas bihainim dispela rekot bilong ol. Planti bilong ol pilaia i pilai insait long Nesanel Soka Lig (NSL) na dispela i soim gut wanem mak LFA i sanapim, Niwo i tok.

Ol pilaia olsem Michael Foster (Hekari Souths United), Raymond Gunemba (CMSS Rapatona), tupela brata lan na Beken Yanum, Anton Pipi, Esa Nassa (Welgris Highlanders) na Goroba Tawa (Laitapo Gigira Morobe) em sampela husat i pilai insait long NSL. Long dispela sisen, i gat 16 tim bilong man, meri na pikinini bai resis. Pri-sisen pilai i bin stat long wiken i go pinis. Long wankain taim, Poro FC i strongim sisen bilong en wantaim luksave bilong sponsa bilong en, Lae Bisket kampani. Dispela em namba 5 taim dispela bikpela bisket kampani i luksave long Poro bilong LFA. Kampani i givim nupela uniform, bal, botol wara bilong dring inap long mak bilong K7, 000. Sels Supavaisa bilong kampani, Paul Emika, i tok ol i amamas long sponsaim gen Poro long dispela yia long pilai insait long LFA.



HEVI: Broncos i laik lusim Hunt i go long ragbi yunion pastaim.

Wok hat long stap insait long skwat

OL ETLIT i mas wokhat long winim ples insait long Papua Niugini (PNG) etletiks tim i go long Melanesian sempionsip long Ogos 5 i go long 9 long Australia dispela yia. Sekreteri bilong PNG Etletik Yunion (PNGAU), Philip Rheder, i tok maski ol sinia etlit, tasol sapos ol i no soim gutpela mak long resis bai yu no inap stap long skwat. "P'GAU i... nis 29 etlit long go k... dispela resis tasol Rheder i tok sampela senis i ken kamap sapos ol etlit i no redi gut o soim olsem ol inap long go long dispela resis. Dispela tim i gat 11-

pela etlit bilong anda 18 na 18 bilong Open divisin. Rheder i tok nem bilong sampela ol sinia etlit i no stap long dispela skwat olsem na olgeta i mas wok hat. "Husat i makim kantri pinis i noken malolo tasol i mas soim olsem ol inap long ron moa yet bilong kantri. "Olgeta i mas soim olsem ol i nap long kisim ples insait long skwat," Rheder i tok. Tim i gat tu sampela ol meri etlit husat i bin mekim gut long wankain training kem long Januari dispela yia aninit long nesanel kosa, Naomi Polun-

Dispela ol meri em; Donna Koniel; Pamela Bini na Ethel Aibos bilong Bulolo, Lilian Turalir bilong Madang na Sandy Belong wantaim Defeny Aito bilong Karkar. Reginald Monagi, Jothan Aaron; Priscilla John na Jamielee Baim tu i stap insait long dispela anda 18 tim. Ol i mas tren na redim ol yet gut long nau i hap long taim bilong pilai, Rheder i tok. Rehder i tok olsem ol etlit i mas soim strong bilong ol long nesanel sempionsips long Lae, Morobe provins, long pinis bilong Jun long dispela yia.

Ol salim K2 long K15000

Andrew Molen i raitim

NAMBA wan K2, mani bilong Papua Niugini long Benk bilong PNG (BPNG) long mekim long plastik em ol i salim long K15, 000 long wankain oksen (auction) o ples bilong resis long baim samting. Dispela oksen o resis bilong baim samting i bin kamap long Crowne Plaza Hotel long Mosbi long Mas 5, long bungim mani bilong PNG Spots Federesen na Olimpik Komiti (PNGSFOC) long salim PNG tim i go long Pasifik Mini (liklik) Gems long ol Kuk Ailan (Cook Islands) dispela yia. Steamships i bin winim ol arapela long baim dispela ol K2 plastik mani we i stap insait long glas.

Ol i bin salim tu K5 we Benk bilong Saut Pasifik (BSP) i bin baim long K6, 500. BPNG i bin givim dispela ol mani long PNGSFOC long salim long dispela oksen long helpim ol bungim mani bilong ol. Gavana bilong BPNG, Wilson Kamit, i tok sapos ol i kisim dispela ol K2 na K5 insait long glas i go bek long benk em bai ol i kisim K175 long ol K5 na K75 long ol K2. Tasol long oksen bai ol i kisim bikpela moa mani long wanem dispela ol mani bai no inap kamap gen na husat i holim i ken kisim bikpela mani moa long en taim bihain. Ol i salim tu ol arapela samting long dispela nait. Dispela oksen we i kamap long Lae na Mos-




BIKPELA MANI: Wankain man i soim ol K2 we ol i salim long oksen. Foto: Andrew Molen

bi long Mas 4 na 5 i lukim tu ol bisnis i resis long baim ol Trukai Fan Ran siot bilong ol skul. Lae i mekim K295 200 na Mosbi i mekim K555 300 we i nap olsem K850, 500 long olgeta. Ol skul bai salim dis-

pela ol siot long ol sumatin na manmeri na mani ol i kisim long en em bilong dispela skul. Dispela ol siot bai ol manmeri i werim na ron long Trukai Olimpik de fan ran long Sande Julai 12, dispela yia.



KALAP: Wanpela pilaia bilong ol PNG Kupanda (kalap long lephan) i resis long bal wantaim pilaia bilong ol Australia Flying Boomerang long Coca Cola One Tribe o wanpsin resis bilong ol las wik. Dispela pilai i bin kamap long fil bilong Yunivesiti bilong Papua Niugini (UPNG) long Mosbi, Nesenel Kapitel Distrik, long makim pinis bilong Australia Wik long PNG. Ol Kupanda i win 66-65. **OL FOTO: ANDREW MOLEN**




SOIM HAN: Sianni Turlom bilong PNG Power i apim han bilong em bihain long em i paitim wanpela hom ran long gem bilong ol agensim Gazelle long Mosbi sofbol resis long Sande.

PAINIM BAL RESIS

NAMBA - 6

ISU NAMBA 1801



Putim mak (X) long wanem hap yu ting bal i stap long en na salim i kam long:

**PAINIM BAL RESIS
WANTOK NIUSPEPA
P.O. Box 1982 Boroko,
NCD
Port Moresby.**

Bai yu gat sans long winim K100 long wanwan mun.
Traim lak bilong yu, nogut yu gat sans long win!!!

Lo bilong resis:

Ol wokmanmeri bilong Wantok Niuspepa no inap pilai long dispela resis. Wantok Niuspepa tesol bai i makim wana. Nogut potokopi. Tim bilong dru em bihain long foapela wik bai ol i droim wina na nupela pilai bai i stat gen. Nem bilong wina hu kamsut long pepa naka wik bihain long dru.

**Sans
K100
yah!!**

Makim (X) long bokis yu ting bal i stap na salim i kam long atres antap..

Nem:.....Krismas:.....

Man/Meri:.....Atres:.....

.....Telepon Namba:.....

Yu baim Wantok pepa long we?

Stua/Maket/Strit:.....

katim long hia



TAKOL: Tupela Aroma nambis pilaia i bung long daunim winga bilong Motu Koita long Masta Kap gem bilong ol long Sande long Mosbi. Aroma i win 24-18.



PLAI STRET: Mona-Lisa Leka bilong Wespac i redi long sanap bihain long em i kalap na kisim bal agensim Air Niugini long primia divisin gren fainol bilong ol long praiwet kampani netbol resis long Mosbi.

LAE
BISCUIT CO.



WANTOK

S P O T S

LAE
BISCUIT CO.



Isu 1806

Wan wik: Fonde, Mas 19 - 25 2009



FREE TALKTIME



LOCAL CALLS

Talk as long as you like, even for 24 hours or whole day on Landline for only 30t!!

The cheapest calls in Papua New Guinea



Nogat samting stap namei



POTO: ANDREW MOLEN

“Mipela olgeta save long pilai soka tasol man i laikim stret long win bai kism.”

- Nathan Vincent, kepten bilong CMSS Tiger Rapatona.

KEPTEN: Nathan Vincent (lephan) bai go pas long CMSS Tiger Rapatona taim ol i bungim David Muta (raithan) wantaim Hekari Souths United long gren fainol bilong NSL long Mosbi diapela Sarere. Mea stori long PES 27.

INSAIT: Broncos laikim Hunt go long yunion. PES 25

Nandex bilip long win. PES 27

Website: www.borokomotors.com.pg


BOROKO MOTORS

PORT MORESBY: PH: 325 5255
LAF: PH: 472 1144
MT HAGEN: PH: 542 1933
TARUBIL: PH: 548 9048

Email: info@borokomotors.com.pg

Gutpela Prais olgeta dei ikam long Boroko Motors Taya Sentas Bilong Taya, Mag Wheels na Batri lon laik Bilong Yu.

BRIDGESTONE Tyres



CSA ALLOY WHEELS



GLOBAL Batteries



Indaatri Experiens wantaim gutpela Servis Mekim Boroko Motors Taya Senta Wan Stop Shop Bilong Yu

Publisher of the newspaper operates at Section 58, Allotment 3, Office 2, Waigani Drive

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.